

928
Y
3

蘇學士文集



蘇學士文集卷第十三

粹隱堂記

天之生蓄萬物紛綸渙散雖會四時之變而後成亦已衆矣必役之以人然後無所棄百工衆技機智纖悉海瀆之廣山壑之邃不能以自藏放乎其自然動乎其無知祕怪異類判然一出則必可羈括而就有爲是生之而不使廢於世也至於人也蓋物之大者也而又自相置次才者多不得其地皇皇於用者何哉此造物之意不可以理通也故耿介剛直之士一不與細合則颺然遠舉遁名匿迹惟恐有聞於人也惟儼者爲浮屠往來

京師三十年獨喜吾儒氏之書當年少時誦數百千言
經營世好嘗欲衣冠儒間搖撼當世取高位以開所蘊
知其聾牙不當平遂閉戶不踐外庭謝絕過從有不樂
見者雖貴勢不肯一接與語務為異衆之行求棄於時
自置其室為粹隱堂雖在穰穰大衆之中一室截然斗
清無纖喧微塵之可入所與往來相知言笑者不過三
二人觀其議論使盡用其才故將有補於世今乃退縮
沒沒以訖其身嗚呼其可傷也余謂造物之意不可理
通者以此道之也

東京寶相禪院新建大悲殿記

京城之西南有佛廟曰寶相院中有層閣傑然以庇大
像其像高數十百尺而閣又如世傳隋大業中所為
蓋亦可信矣大業於今年祀雖遠閣與像甚完是必少
壞後人隨而葺之也國朝祥符中有詔葺之完矣天聖
戊辰歲浮屠慶祥者又欲於閣之陰以鐵範像號大悲
而又閣焉事暴聞上上為命入內押班江德明入內供
奉官勾當御藥院德用入內高品鄧惟素三人徃司之
又詔有司給鐵及薪炭十餘萬斤明年夏五月慶祥卒
德淮嗣之庚午秋始作巨冶大橐一鼓而就手目千數
較無一闕侍衛跣坐嚴正森立如有神助陰為之容雖

刺繪之工所不能及明肅莊獻皇后崩閣廢不作已而
又命入內供奉官趙用志朱文用易閣以殿景祐元年
又罷之德淮隳懈自劾去衆以今智圓大師方益主之
三年入內都知王惟忠列章以白上旨可焉以諫官言
又罷之四年方益搥鼓以聞乃賜禁錢四百萬以入內
供奉官勾當御藥院張承吉入內黃門馮正己籍用之
踰年遂就予始聞之疑其久而後能成也及觀其閔豁
奧大然後歎息焉噫在昔聖人因人情而制禮也是故
宮室服用必有度上下等殺各安其分限而無流暴之
患此三代之所以爲盛也自漢以下無制作幸而識其

流風監以自足乎一世故頗亦有所放矣佛氏之教入
中國當其無制之世其宮室服用之作隘者猶能上王
者一等後世奉之益熾今民遠於三代而但見隋唐之
事以爲古可法奔於夸勝之境莫知其紀是以朝廷殺
閣以室屋而又滯畱久之而不亟爲始於戊辰而訖於
景祐戊寅十餘年間三以廢格是亦監而有意焉爾非
中寺之贊方益之慤而事其事則烏能成之哉蓋欲識
其始以永於後故求予文琢於石云時慶曆二年四月
五日記

太原地括衆川而汾爲大控城扼關與官亭民居相逼切每漲怒則汨漱沙壤批步結反齧廉岸勢躁豪頗爲人

憂今參政陳公前守是郡修巨防以障之乃西漸

七廉反

不復虞潰漏然而當數州之空

音孔

道傳遽商役日往來

挑達不暇自朝廷置守餘五十年無梁構得以直捷流悍且淺復不勝方游以爲濟行者苦於涉久矣往往中道遇暴不善游則溺焉常歲秋冬之交陽曲誅民錢妄三百萬役農人不翅數千權爲徒杠猶號便利春則撤去以避奔衝蠹勞相纏觸寒瘃隨者十八九吏緣姦永民則甚病衆謂當然不可改革康午歲天子輟諫議大

夫張公領鎮亦旣至止悉條政務訪覽物害者得聞斯欲興遠謀默有成算遣牙吏秦謙助浮屠輩以諭郡中命行衆慝勇輸其有俾歸之縣官籍而領其事豪之頑嗇者市語於人以謂邊氓騷之則急變生且礙詔句言寢淫滿道路間公所守益慤掣搖不解未幾計其貨登徒杠三倍矣公曰可矣乃卜期少者獻力老者餽餉斬北山之材編連宛委塞川下流百選堅直豎以爲楹長踰六仞半植水下巨棟上偃密楯對走左右支翼神不可拔中並四軌直亘百丈人忘劬瘡周歲告就騰突軒延蔚若變化民請徙市以落之絃竹歌謠舞手相交雅

耄走趨既過復返賈販旁午以嗟以喜邑之吏用歌曰
汾流湯湯不復濡我裘裳汾流瀾瀾武陵不復溺我攜
提不死不弔我公之造予聞子產爲鄭以乘輿濟溱洧
人孟子謂惠而不知政公之力是物也以佚道使民絕
子產遠甚故予敢琢文於石以監後明道元年十一月
十六日記

滄浪亭記

予以罪廢無所歸扁舟南遊旅於吳中始僦舍以處時
盛夏蒸燠土居皆褊狹不能出氣思得高爽虛闢之地
以舒所懷不可得也一日過郡學東顧草樹鬱然崇阜

廣水不類乎城中並水得微徑於雜花修竹之間東趨
數百步有棄地縱廣合五六十尋三向皆水也杠之南
其地益闊旁無民居左右皆林木相虧蔽訪諸舊老云
錢氏有國近戚孫承右之池館也坳隆勝執遺意尚存
予愛而徘徊遂以錢四萬得之構亭北碕號滄浪焉前
竹後水水之陽又竹無窮極澄川翠榦光影會合於軒
戶之間尤與風月爲相宜予時榜小舟幅巾以往至則
灑然忘其歸觴而浩歌踞而仰嘯野老不至魚鳥共樂
形骸既適則神不煩觀聽無邪則道以明返思向之汨
汨榮辱之場日與錙銖利害相磨戛隔此真趣不亦鄙

哉噫情固動物耳情橫於內而性伏必外遇於物而後
遣寓久則溺以爲當然非勝是而易之則悲而不開惟
仕宦溺人爲至深古之才哲君子有一失而至於死者
多矣是未知所以自勝之道予旣廢而獲斯境安於沖
曠不與衆驅因之復能乎內外失得之原沃然有得笑
閱萬古尚未能忘其所寓目用是以爲勝焉

蘇州洞庭山水月禪院記

予乙酉歲夏四月來居吳門始維舟即登靈巖之顛以
望太湖俯視洞庭山嶄然特起霞雲采翠浮動於滄波
之中予時據闌竦首精爽下墮欲乘清風跨落景以翱

翔乎其間莫可得也自爾平居緬然思於一到感於險
說而未果行則常若有物膈塞於胸中是歲十月遂招
徐陳二君浮輕舟出橫金口觀其洪川蕩潏萬頃一色
不知天地之大所能并容水程沂洄七十里而遠初宿
社下踰日乃至入林屋洞陟毛公壇宿包山精舍又泛
明月灣南望一山上摩蒼煙舟人指云此所謂縹緲峰
也即岸步自松間出數里至峰下有佛廟號水月者閣
殿甚古像設嚴煥旁有澄泉潔清甘涼極旱不枯不類
他水梁大同四年始建佛寺至隋大業六年遂廢不存
唐光化中有浮屠志勤者歷游四方至此愛而不能去

復於舊址結廬誦經後因而屋之至數十百楹天祐四年刺史曹珪以明月名其院勤老且死其徒嗣之迄今七世不絕國朝大中祥符初有詔又易今名予觀震澤受三江吞鬻四郡之封其中山之名見圖志者七十有二惟洞庭稱雄其間地占三鄉戶率三千環四十里民俗真樸歷歲未嘗有訴訟至於縣吏之庭下皆以樹桑梔甘柚爲常產每秋高霜餘丹苞朱實與長松茂樹相差間於巖壑間望之若圖繪金翠之可愛縹緲峰又居山之西北深遠處高聳出於衆山爲洞庭勝絕之境居山之民已少事尚有歲時織紉樹藝捕采之勞浮屠氏本以清曠遠物事已出中國禮法之外復居湖山深遠勝絕之地壤斷水懾人迹罕至數僧宴坐寂嘿於泉石之間引而與語殊無纖介世俗間氣韻其視舒舒其行于于豈上世之遺民者邪予生平病悶鬱塞至此喝然破散無復餘矣反復身世惘然莫知但如蛻解俗骨傳之羽翰飛出於八荒之外吁其快哉後三年其徒惠源造予乞文識其居之廢興欣其見請攬筆直述且敘昔遊之勝焉耳

處州照水堂記

括蒼郡署冠山之椒林壑蔽翳故當暑有蒸鬱之煩至

者或神明不開則事務墮廢咸平初楊文公起凝霜閣
下覽平曠得遙岑遠林之賞當時固已爲嘉處矣景祐
中孫公元規以言事南遷移守此郡者政之始衆務畢
舉乃歷訪雄勝之地以圖燕休又得西北隅絕巘之顛
剗去叢叢化出異境溪山之勢奔放至來始規地命名
詔徙他郡後更三守泯然不尋李君然明之來刷剔隱
滯網條一新吏民曉然踰年甚便然後思有所以自適
且將以風迹畱遺乎後人景與意并止獲乎元規之地
遂構廣廈且以照水題之庠豁虛明坐視千里雖甚盛
暑灑然如秋有長溪者源自閩來趨過檻下前向南明

山蓋三平之舊隱也蒼峰古刹陰晴隱見又於東南創
月軒稍却爲燕閣閣之右又爲風亭亭前啓軒曰夕霏
是皆出於照水而出於斯意也華榭懸楯上下相煥易
去榛莽與政俱新蓋根於元規成於然明使元規之久
則然明樂其成矣然明之去速則來者其謂斯何二君
默契遂亾異趣是政之所起故自有乎後先一日然明
書來求予文其事予慨然東望神爽坐馳恨不能劇飲
酣歌俯仰周覽於其上又不能具道其營建之勤山水
之勝徒胷中耿耿終日有所思然明或能圖以爲貺使
予對而銷憂尚可更發詠歌以足其未至者矣

浩然堂記

曾君將之杭官旅於蘇嘗登于滄浪之亭覽景四顧慨然有棄紼冕相從之意予始未以其言爲信也君遂周訪城中物境之嘉者又得閭南之圃焉罄囊中所有日夜自營緝築堂其間取孟子養浩然之氣以命名一日會予於堂求予文以道其意予觀世之仕祿者奔趨竭履皇皇乎病日月之速必須臾之間以自放顧安肯棄其貲裝易清冷深僻之地而爲適也又將均其志慮包蓄誠議以自廣不亦庶乎君子之道焉至於環池以步乘城以觀則竹樹江山之勝蕭然滿前表裏風物不可

勝道至者其將自得之予但嘉名堂之意且能實其言故文以鑱於石

漣水軍新插記

古之障川有防豬庸遂列澮之法以旣見於經也塢埭堤閘作棚樹柵之制見於舊史也然未聞爲插之說蓋精思者緣古而作興於近世通漕最爲便惜乎無所述焉被淮之邦襄賁爲之近有渠由郡東海尾受於淮其間縣官立四場幹鹽榷茗歲轉數十百萬民有蠶鱸蟹稻之饒以是舟相銜不絕淮口北走一里有埭以壅渠每潮汐暴至乃可過並海長落甚駛而又石沙填潰

不可疏與淮等故多反壤以敗舟也至者必淹旬曠月
不得遽去或謂埭下切淮轄木爲之牯使渟洩啓閉相
潮上下則無復畱行矣前人視習絕不置論司勳負外
郎劉君署郡之日竦然念之以地徧役大稍難之會轉
運使按部繼至令倡其利即時以聞上指可之於是規
括旁郡羨材穴兵興於慶曆三年二月丙午踰月而成
薪石一種之費不誅於民間東漢王景絕水立門去浚
渠之患號省費役猶以百億計當時增秩史氏與之今
三君之爲不勞於民而休於民事應古可紀表之宜無
媿也

送外弟王靖敘

古之達者皆發於羈苦餓寒蓋必極困而後起孔夷之
不試孟荀之讒屈平之竄管夷吾之窮且囚司馬遷之
刑揚雄王仲淹之亂皆坎壈埋廢不自平然後極心窮
精以入乎道術之淵策書其言播灑奧大師監於後世
歷數千百年外道其名煬然可暴炙人今貴人之胄以
緹紈肥味澤厥身一無達者之困肆焉自以爲勝物也
習隋志覆安久質變不知誠性之日陷脫也雖瞬動言
息戴威爵坐署位對之殫殫如在九泉之下吁可憫也
外弟王君瞻叔者生相家未齷而官十歲而孤資性粹

蘇學士集卷三
愿不羣戲弄好學少言若有所負今年如長安逆婦李
以歸索言爲別故敢告以古之達者之爲無習安以盜
性庶震搖乃心起聞於世以爲先榮則達而求用之之
榮不如不用之之達之榮也子其懷也

送王緯赴選敘

王氏世居雍並郭善田數百頃開第當衢宏邃覲嚴精
構琢榱欂之丹青前冠圍圃嘉花美木奇石繡茂嗟峨
實皆可賞地形宏隆以機激水上下環回無不通虛堂
曲榭琴觴圖史雅具悉備中朝士大夫雖不識者亦寓
章句以道其勝奉親之餽腆而不煩營資身之術曠而

不須設故可任化而無係陶然天壤間以足一世顧高
軒大冕安可蕩於中邪然而之子處之拘拘乎未嘗自
適也今日幸天子講盛禮即時俶裝走都下不畏道塗
之苦庶得投牒吏部調巴閩邊徼九品一職官噫州縣
之祿日百錢月廩脫粟兩斛晨夕趨郡將庭下與牛馬
並走寒暑不避食息失時視前佚勞之狀設庸童必知
之吾子舍彼而即是其亦有意焉爾予謂凡厥蓄康物
之才者雖湮沒負辱苟活而不恥雖靡衣鮮食宴安衍
逸而不恃是皆思發其蘊以耀衆者矣苟若是則小官
何足羞其有以漸也

天之生育於物運動不竭而無疾者氣一而已人生其
間百骸舉止營營有爲者亦氣也然有喜怒悲憂愛惡
之情變以激其氣故滯逆悖亂失其經而不平由是疾
痛生焉必當外假於物以養之養得其宜則無天閼之
患焉先王之制禮也以飲食夫婦之法爲之大故民未
有不謹於禮而能安者此先王愛民之生也至矣今子
自幼好學識所謂先王之禮典長而不飲酒不茹葷無
嗣不再娶九年於茲果乎人之所難自是而不變反常
好異以爲甚衆子甚嗟之而又聞善而聳見惡而惡未
能寂泊於天爲徒使其心氣鬱律不寧而無所輔養索
索然趨乎病癘之場而不還欲其保天年而立事功其
可得邪子惜夫親友不以禮義中庸之道勉之使移其
堅緻之心以學聖人之業徒獎其所難以傷厥生吁可
悲也子因其行而告之以破異僞之迷

符瑞

柳子厚作正符詩謂董仲舒司馬相如劉向揚雄班彪
固皆推古瑞物以配受命其言類淫巫瞽叟誑亂後代
不足知聖人立極之本堯舜禹湯文武皆以正德爲受
命之符至於陳大雷大虹巨迹白浪流火之烏皆詭譎
闕誕其可羞也所言大概如此夫天地漠然無所歸則

皆說勝矣至神冥冥獨運而成功則吾將辨焉夫二曜
五緯天地之精氣其本在下而大人統之出沒錯行晝
夜不渝赫然與國政相俯仰昧者視之習爲常然聖人
參考其順逆而自監焉故黃帝有神明之官唐堯有羲
和之任舜之璇璣夏之清臺皆此道也故至治之世則
日星清明各用其行及夫政化蕩隋虐戕下民刑罰熾
張頌聲寥寂則次躔告凶鬪蝕陵昏水溢旱蝗肯妖出
焉是豈無尸之者乎蓋天不言以文象傳吉凶先儒爲
之符聖人之興必有非常之物人弗能致者出焉以明
有屬授若諄諄而告之非智力然也苟授而怠荒又下

變異丁寧戒告以率之皆可名之符是天以吉凶之符
付王者王者奉之不敢墜厥命故曰天難謀命靡常常
厥德保厥位唯聖人見異竦然引道德信惠以合之則
瑞物可保而有也伏羲之圖禹之九疇周文之騶虞皆
是也故武王周公饗魚鳥之瑞君臣祇恐動色相戒至
於庸君觀之以爲德業已成懈於所修則雖瑞物化而
爲妖孽矣鄭之龍魯之麟漢之白雉莽之黃犀是也苟
逢凶而懼反躬自救則孽可更而瑞也商之桑穀成王
之大風宋景之熒惑從可知也嗚呼天人相交氣應混
并密然相關爲表裏其可誣哉若桑穀不出大風不作

熒惑不亂則三國安得保有其永年乎周末謝其德帝
用降亂雖孔子生以聖而大命弗集於躬故有鳳鳥不
至河不出圖之歎焉是上下相報雖桴鼓之應鐵炭之
動不過也子厚謂受命不於天子其仁孔子何爲栖栖
旅人也子懼後世拘子厚之作棄天弗徵背大道以自
任顛迷無從靡所法則有瑞弗恭見妖弗警故定是論
焉

復辨

案復卦象曰復亨剛反動而以順行是以出入无疾朋
來无咎反復其道七日來復天行也利有攸往剛長也

復其見天地之心乎王弼解云復者反本之謂天地以
本爲心凡動息則靜靜非對動者也語息則默默非對
語者也然則天地雖大富有萬物雷動風行運化萬變
寂然至無是其本也故動息地中乃天地之心見矣子
討其意而竊惑焉夫復也者以一陽始生而得名焉陽
之始生則有蘖育萬物之意故彖曰復其見天地之心
者是由陽生而見之也當羣陰隕剝極盡之際陰氣張
王漠然無有生生之兆則天地之心何見焉及夫剛長
天行陽氣下震初九之爻布而造物之意萌則天地之
心雖微而已顯矣若謂以本爲心寂然至無是其本則

變化之功何有焉彖曰剛反動而順行又曰朋來又曰
天行又曰剛長也安得謂寂然至無邪安得謂動息也
象曰雷在地中復蓋雷者陽物也動物也今既名下地
中則是有陽動之象也輔嗣昧舉卦之體乃以寂然至
無爲復斯失之矣夫復者剛陽始萌陰物衰謝初包化
生之心潛而未運唯聖人知其太始而言之耳蓋神之
所爲至精至變非聖人孰能見之然而地雖以生萬物
爲心而萬物莫見其爲心之用是冥然無有經營之迹
也故繫辭云顯諸仁藏諸用鼓萬物不與聖人同憂此
之謂也及乎雷奮雨潤勾達甲坼其仁則著矣心則散

而莫見矣是則蘊而妙用者之謂心行而成功者之謂
仁在聖人則爲幾深及乎通天下之志成天下之務則
深與幾何有焉象曰后不省方者是先王察見天地造
物之心而法象之不親煩務不專以沈謀研慮將以鼓
舞天下之民以行乎事業也若云靜其動止其行至於
無事則失之遠矣又云冬至陰之復夏至陽之復何冬
夏陰陽之不辨邪

杜誼孝子傳

台之黃巖有至行之士曰杜誼誼性敦篤不苟惟信義
所在事父母極其孝其父剛狷獨不良於誼惴惴憂恐

不自容竊伺顏色更端而進進則訶逐笞擊而後已日如是而日益勤康定元年九月喪其母踰月又喪其父號慟晝夜不絕勺水不入者累日卜葬於仙邨之山下徒跣負土爲墳往來十餘里日渡塘澗泥冰沒於胷雖大雨雪未嘗少止手足皸裂血流則以漆塗之每覆一畚必三繞墳號而後去如是者三年旣葬遂築舍墓旁人往視之輒遣去日一飯不葷暮夜狼虎之迹交於廬側誼獨不恐明年吳越大水所在山皆發澤推巨石走十數里台山與他山爲高而水又至並山之民居廬田墓畜牧漂壞者衆而獨不及誼邑人數千迹誼所爲

以詣郡郡爲上聞天子下詔書獎勵賜帛予謂衆父嚴子孝人之常理又烏足道之哉後世寢薄乃有孝悌之舉又廢禮義之教不施於下爲下者不相師友而道義榛焉所在泯泯無所取法率情放俗蕩軼不還時或有至焉者則蕭然無所依歸朝廷不用州縣忽不爲念不爲世人笑且非者幾希矣非自信至明者故亦自疑其所爲而怠焉耳不若古之士大夫聞一善則稱道而標舉之使爲善者不怠下流聳激而慕向有所信而取正焉越俗浮薄節行不堅務以華靡相馳逐誼生於今世而且又在越非至性安能趨就此行故非教之習之之

至者矣非掌於世尚以酷榮利者矣使聞而慕效篤於親親者教自誼始余得實於台人故爲作傳以俟史氏之求

題杜子美別集後

杜甫本傳云有集六十卷今所存者才二十卷又未經學者編輯古律錯亂前後不倫蓋不爲近世所尚墜逸過半吁可痛閔也天聖末昌黎韓綜官華下於民間傳得號杜工部別集者凡五百篇予參以舊集削其同者餘三百篇景佑僑居長安於王緯主簿處又獲一集三本相從復擇得八十餘首皆豪邁哀頓非昔之攻詩者

所能依倚以知亦出於斯人之胷中念其亾去尚多意必皆在人間但不落好事家未布耳今以所得雜錄成一策題曰老杜別集俟尋購僅足當與舊本重編次之又本傳云旅於耒陽永泰二年啗牛肉白酒一夕而卒此詩中乃有大曆三年白帝城放船出瞿塘將適江陵之作及大曆五年追酬高蜀州見寄舊集亦大曆二年調玉燭之句是不卒於永泰史氏誤文也覽者無以此爲異景祐三年十二月五日長安題

蘇學士集卷第十四

先公墓志銘 并序

蘇鄴之附城昆吾受封而姓出焉其後周司寇忿生徙
 食河內漢將軍建起杜陵武葬武功世遂名其籍隋唐
 之際多偉人六葉之內四至大丞相襲封邳許文憲公
 之曾孫傳素廣明亂以其孥遜蜀生三子檢拯振孟還
 相唐仲以策擢官至容管經略使唐命革劉巖奄南海
 獨完園不與巖容民於今祠之季留為銅山令即我先
 公之高祖也先公諱耆字國老曾祖寓劔州司馬夫人
 龔氏大父協中進士甲科任陵州判官孟氏朝京師謫

[Faint bleed-through text from the reverse side of the page, including characters like '蘇學士集', '卷第十四', and '先公墓志銘']

懷州司寇參軍雍熙中召對授光祿寺丞知開封府兵曹事累贈刑部侍郎大王母薛氏封河東郡太夫人皇考易簡太平興國中首登進士第才十年遂參大政贈太師尚書令母崔氏封廣平郡太夫人公生七齡以父任宣節校尉左千牛備身俄加振武副尉踰年大令薨恩授通直郎祕書省正字未冠謁文正王公旦公器之以息女歸章聖帝即位改奉禮郎既冠舉進士時試條至嚴兩中優等廷校不得在高第詘所素志辭焉後一年以文奏御詔試玉堂賜及第東封轉大理評事從祀汾陰遷丞賜緋衣銀魚出知湖之烏程以文正公當國

凡五載未嘗求代遷時吳越大水平泉行舟既涸農盡以失畔訟公按籍收判質悉履邑田書而揭之狡豪宿隱摘以給下戶失職者民樂興頌無復訴郡牧制置使陳公堯叟薦充判官改殿中丞任終知開封縣既省政惡民物之薄且多貴人善田宅操勢威豪奪無告一切以法繩之皆帖帖俛首不敢相干犯因上書曰京師諸夏本根宜為化首今流風甚微臣竊恥之謹條七事以聞遷太常博士三司戶部判官是歲以諫議大夫充契丹國信使將行太夫人寢疾公露奏牢辭未報夫人棄平居廷議以名業北走不可易公哀慟感疾還上信幣

曰將死請遂改命終喪復除三司判官明年轉尚書祠部員外郎知明州郡有湖號廣德古鍾水以溉旱唐季壞漏不補披爲田公復而浚之防四百里自是境無凶年郊慶緒階升朝奉大夫歸朝換度支充長寧接伴使既又判戶部案召入考進士第復詔使契丹初出疆每舍必作詩山漠之險易水薦之美惡備然盡任歸而集上之人爭布誦出爲京西轉運使賜三品服就改兵部又加直集賢院踰年移使河東兩河薦下旱蝗所在艱食公案行屬部不專計利務以息民爲急汰冗兵罷非業之作代之康陳不能飼軍始廩者皆猖獗聚譟欲倉

爲變有期矣公遽往馬列校先馬首以訴徐語之曰國之儲非久何以備凶若不食腐將誰食之爾見殍尸枕藉道上曾不得是而生耶命拘而鞭之以語箝其帥卒不敢動遷工部郎中籍田敘勲至上柱國移使陝西未落落守移來求粟調其饑公計調二十萬斛輸焉寮不可曰邊宜實之移中以自速固非謀也公曰臣民繫於君無內外忍知其垂死亡不可奇羸賑之他日苟無餽期不諉君以是遂定景祐二年正月十有二日得疾藥禱徧及而不逮翌日夜漏下二刻終於位春秋四十九嗚呼哀哉以先公之德之才天資誠敏而不遐其年頓

於中仕利不布天下使有志於時者嗟癘而隕涕也孤
舜元等慟踊泣血扶衛我公之靈輿歸上都考龜筮得
寶元二年十月二十七日之吉葬於開封縣宰輔鄉中
書村之先域舜欽幼嘗戲祖母之几下聞語公初能言
大令特愛之始令誦詩必自題之於果上踰時占數十
百篇果終不食八歲侍官穰下據鞍吟詠不廢編而置
於褚中大令密取視之駭其辭致前撫首而命以名又
用是以字之明年罹大令喪至性過人號慟不絕聲行
路爲之哀傷公雅好觀書經史禪說手鈔者數千卷無
不盡誦所著計錄三篇開談錄五卷次翰林志續文房

四譜并文集二十卷並藏於家公六居內外計未嘗建
言聚斂有語逸利者輒却之襟度軒闊不屑細務處事
若不施慮其間無不妙當所至必尉薦才器未始案吏
雖無狀者能使謹前無犯患性鍾孝友喪太夫人體形
瘠枯杖而後能興每臨必絕以弟叟久沒銓調上書乞
徹官出之嫁三孤姪置所有資送不足又舉倍息錢必
豐後已平居晏晏以圖史自愉雖家無宿儲終不及資
產事兄壽終水部郎中二弟宿終大理評事叟終溧陽
令夫人雅尚淳素不喜與遊侈者相從專以孝承嚴姑
禮弼先公二十有八歲封太原縣君明年召見賜冠服

出入中掖進謁有規子舜元大理寺丞知開封府咸平
縣舜欽光祿主簿知長垣縣舜賓光祿主簿知太康縣
俱登進士第得以藝升不爲家羞者蓋積是訓厲使去
急傲而自進立女三人長適大理評事雍扶次適太常
寺太祝韓維次幼孫十八淵渾注洞餘幼嗚呼昊天不
弔下此酷凶尚賓賓徇禮經以嗣祭爲大苟延喘息不
獲躬執杖履侍於九原已至於今矣忍復以鄙略不倫
之詞上識宰壤靜念古人述先或以爲孝況斯言不敢
誣傳可後信雖不足闡揚我先公之輝光庶盡人子之
志焉爾延此巨創綴之銘云

世之望兮於鑠嚴考清風再張兮立於稚妙學根源兮
不務剽造次之言兮卒蟠於道擢節義以貫中兮誠精
光而外照哀哉不濟高齡兮神於何而能勞瘁諸孤兮
攀靈基而莫劬號蒼蒼之高兮曷余家之不造心膾膈
裂兮血下涂於野草岡隰外鞏兮浚渠旁繞哀哀我公
之靈兮寧此佳兆

江寧府溧陽令蘇府君墓志銘

并序

季父諱叟字蟠叟先大令之少子免乳而大令薨旣冠
猶褐衣大中祥符初授太廟齋郎選岳州華容尉閬州
閬中主簿陝府平陸令杭州錄事參軍江寧府溧陽令

所歷未嘗有過謫然數命少會知己者輒死竄不及薦
天聖末先公任兵部員外郎嘗上書曰臣聞手足偏廢
是謂篤疾人生之苦莫此爲甚臣有隱痛顧切如之天
高聽卑伏暨垂閔臣先父早以才業擢列近輔未及強
仕奄淪盛朝嘗有治民不令以遺札任子故臣之弟叟
冠爲白丁祥符行慶始補太廟齋郎自爾效官十有三
考蹉跌顏髮淚喁寒餓賤位所束自拔無由每一疚中
如伏沈瘵臣今幸以年績例當改秩欲乞以所奉新恩
回授叟一京官伏望天皇厚□哀閔此懷以聞格遂罷
之溧陽任終貧不能族歸寓家京口入選得疾力判試

不如格不得調氣益失衛結澀乘於胃胃不防飲濫於
膚絡之下血化而并旣亟舟沿還家而終享年四十五
時景祐四年七月十日也嗟乎本朝執政子未有任銓
調者又何獨湮塞若是之久耶世皆悲憐之季父亦不
甚痛嘗語人曰天地氣數差變不可一其間才而厄於
無津則無可爲每出門逢者十人八九不吾過一二愈
者烏足動哉故常放意杯酒不喜間關於進取之地娶
周吳張三夫人皆無子女嫁陽翟主簿楊組以寶元二
年十月二十七日歸葬開封封縣宰輔鄉鳳池原先祖兆
下銘云

神之司禍福是宜吾先力善季父何奇仆於賤仕雖世之遺嗣覆而夭豈神宜爲周號而冥其誰賴之噫吁已而柰何乎哀思

亡妻鄭氏墓志銘

蘇舜欽之妻滎陽鄭氏其父屯田郎中諱希甫母天水縣君趙氏生十四年而天水夫人歿又三年父喪又三年歸於我甲戌歲予登第授光祿主簿知亳州蒙城歸寧長安是年冬十月堂帖促之官一日泣相語曰子其攜三子以往願畱以待姑嫜言寢布家人皆諭之曰凡仕無畱孥所以典闈中遂偕至官下才兩月皇天降禍

得先君之凶訃即日衰經與之西走晝夜奔號登頓食寢失節方妊以馬駭墜地者三傷左股焉起即強自支不肯少休曰早得一慟於舅之柩前遂死無恨若或殞滅重爲姑憂大甚爲不孝也三月十三日至於家是暮產一子疾起所傷七日而逝時景祐二年三月十六也哀哉堂有壽母室有乳穉藉以奉育遽失其助余時待盡於苦次退而又哭於室中亦血氣者非勉徇於禮烏能勝而至是耶間月火其櫬於萬年栖鳳原緘骨歸京師以年月日從於先域子曰泌一女幼銘曰奄然不起怛然此止

內園使連州刺史知代州劉公墓志

公諱文質字士彬世占數於保州保塞縣曾祖延不仕祖昌後唐爲平州刺史幽薊墾田使者保塞皇家之故鄉也翼祖皇帝之在民間昌陰知其非常歸以息女今廟號簡穆皇后父審奇太祖創業之始倚以機事辟署汜水關令未幾卒今贈左千牛衛大將軍母張氏封清河郡太夫人夫人出入中闈太宗嘗以鄉黨之舊賜予頗衆一日問其爲後者因以公名上之即特召爲供奉官寄班祇候入備宿衛雅以清慎自持上頗信嚮焉每外廷拜免必閒訪之公悉心謀論輒中旨時中人竇神

福侍上顧謂曰文質朕之親舊言論有足嘉者因以白金百斤賜之至道初將命二浙按察民事進黜郡縣吏數十人立得報可議者愜之歸授左藏庫副使後以久任省闈上書願效死邊漠以報國寵上從容謂曰陪圖議於中所報亦大庸非其人哉遂掩其奏不下踰年出爲岢嵐軍使俄改麟府兵馬鈐轄戎人犯順兵宿塞下前後俘馘甚衆獲馬畜鎧甲之類慮一萬七千三百餘凡賜金者三詔獎者五咸平中移知慶州權董涇原儀渭四郡之兵時西虜竊入我境公蒐精甲兵百以乘其鋒寮有礙詔縮忸不時給軍須者公乃竭私緡二十萬

以均分之士感慨增氣大破寇兵而還是歲充靈州清
遠軍監兵復與虜騎戰於枝子平逐之絕漠而去璽書
褒諭有錦袍上金帶之賜移典涇州爲師臣楊瓊之二
寇陷清遠以逗劔謫南海遇恩放還起爲率府副率總
兩浙諸州兵甲移齊州封禪岱宗命引兵邏護岳下遷
禮賓副使石隰沿邊都巡檢使又換秦州兵馬鈐轄公
自負築版率梟銳士進小落門寨開邊遠甚詔書嘉之
移知代州境與胡近我軍之芻牧者多爲誘掠返稱亡
命東還以徼賞公原其情爲之上論報得貫珠死者數
百輩轉內園使知邠州佐節度曹瑋出環州界築保障

十餘處聚勁卒以壓虜衝迄今不敢犯除使持節連州
刺史再知代郡天聖六年正月十六日寢疾終於位享
年六十四賜賻甚厚權厝於并之佛廟公作牧訓戎更
任者二十有四乘傳操命者又十二焉出處必盡風力
著績效他將爲多能以義斷物以惠役衆所賞賚不可
勝計輒施散未嘗理貲產性忠鯁嫉邪喜評刺無所避
拙當塗忌之故官不大進章聖帝嘗詢及保塞之舊因
以簡穆事上聞又用宣祖太祖賜書函爲獻有詔編任
屬籍天禧中章聖初不豫公懇求賜對進議數刻大率
以慎任帷幄之臣爲意帝深嗟賞之今上在東宮凡五

以書賜今藏於家兄文裕終容州觀察使夫人李氏係
順軍節度使溥之女封隴西縣君生於公族慎淑有儀
撫育諸子嫡孽無異心稟年不遐沒先於公子十五人
長曰涓早世曰湛侍禁閣門祇候曰渙屯田員外郎知
遼州曰渭蘇州吳江縣曰滄淳淵濬俱殿直曰汎沿謹
未仕曰沐泳泌源皆早卒女八人長適伊世昌次適高
日宣次適田守德次適李智寶次適王宥次適王豐二
皆天屯田君高遠有識度嘗上疏乞莊獻后歸政由奉
禮部擢拜右正言慶之所叢爲時聞人今自遼陽拜章
賜告之太原扶護公之靈輿歸京師以景祐五年八月
某日葬於雍丘縣百家邨之先域舉李夫人之櫬合祔
焉枉道出長垣求志於舜欽謹用筆以銘云
予嘗觀前史見王者之興其鄉黨故人有起耕販而取
將相世十數不絕者蓋其遇之之異耳今公才且逢勳
舊較然不殊而位弗大擢以歿何哉此古人所以委之
於數也

處士崔君墓志

博陵崔籍初命理獄於涼將改葬其先君以聞得報遂
來求志於舜欽先祖中令之夫人則駕部郎憲之女視
籍之先君則異母弟故能詳焉謹案君博學善談經術

魁曠豪爽人也年十八舉進士有司申籍其名上之中
令暨文正公丞相向公忠愍寇雷州雅與友善偕試於
庭中君文中格上指以年少時罷去其後中令連典貢
部君以親嫌不出應詔書羈遊山東十餘年再至都下
生平交游皆烜赫將相也往往託召終不肯一造其門
下又兩貢御前不中第執政憐之爲建言其輩數十百
人試以補武吏及期就席君感慨曰我素以卿弼自標
置一旦不偶返栖屑執筆求爲賤役不亦鄙乎乃廢卷
引去縱酒都市中極醉閒蕩徒步將出國南門方春大
臣賜宴苑中暮罷騶呼止君辟道側仰視之依然皆故

人也不覺涕泣霑下因呼自名曰老朽不得志去國決
不復仕矣諸公面之亟遣從吏謝以去已而私自嗟曰
吾道辟之是已今日不圖爲貴人氏所賤也遂行買田
築室於箕潁間窮堪輿圖緯風角推步佛氏道家書以
至筆墨圖畫方藥種藝之事畢精焉間引農樵共飲醉
輒酣歌起舞以自快絕不迹城市亦不道平昔所爲鄉
人以處士名之如是數歲一夕無疾奄然逝矣年六十
有五時乾興元年秋八月也娶范魯公質之諸女早卒
今卜合葬於上都開封縣之某鄉邨用景祐丙子冬十
二月日封君諱遵用字藏器銘云

蘇學士集卷之四
交游皆至輔相而卒不齒一命亦其命歟晚節用術藝
劇飲以收其心哀哉

太常博士宋仲達墓銘

宋君仲達諱武也占太原籍祖縉不仕父韜以謀勇稱
劉崇竊奄并汾署爲通進使太平興國四年天王平晉
君未冠侍朝中都寓於雒窮困篤學以文名兩京間性
方介遠舉嫉非義與人交有失必面直之襟抱軒闢好
樹大節不顧當世常欲引手取卿相位景德元年舉進
士首河南薦書明年登第授校書郎知江寧府溧陽縣
滿調相州觀察推官今吏部侍郎知樞密院太原王公

隨時任御史早與之遊復嘉其吏材白見改著作佐郎
知越州山陰踰年轉祕書知英州遷太常博士通判同
州同之郡將不謹法度其屬悉媚莫敢言君獨以理折
其衝不能遂行或先幾絕其孽萌以是事多沮逆少合
君亦悒悒不自喜未幾感疾終官下年五十有六有子
長矣郡將以事牽繫獄中私黠吏脅其妻娶焉子聞之
號慟搶地遂以狂失心乃出之使逸去死於道義者竊
緘君之骨藏之佛廟後十餘年天章待制王公浚以都
轉運使陝西樞密太原公別而屬之曰予生平交游與
宋仲達善不幸死之日其孥流離人所聞也交所以託

死生今仲達之骨旅而不兆我則媿焉敢仗高義因此
行以求之且使寧魄九原示予不忘雅素也已而遇臨
晉主簿顏太初之官過郡訪得之遂以禮葬於同之某
縣某原君兩娶前弘農楊氏生一子亦卒君沒於天聖
三年夏六月葬於景祐三年秋七月辛卯前葬期太原
公自京師疏其族氏以函命能文者志其壙銘云
無子以似以藏以祭以直得交卒斂以義交乎無覩於
後世

屯田郎榮陽鄭公墓志

公諱希甫字源明其先帝乙元子微子啓之後武王封

之睢陽其本出焉厲王之子友宣王封之鄭子孫因王
命氏故又爲滎陽人於唐皆顯大照耀末世喪亂逃患
徃之巴蜀曾祖儀導江令祖遵勛斂州刺史父先壽奉
禮郎知蓬州伏虞縣以公累贈尚書郎母李氏封隴西
縣君初國兵西伐孟氏去國詔例遣來中都下遷湯陰
主簿遂占數焉公六歲就學十二失父鞠於伯氏年甫
十七業文有成郡吏薦之春官文入冊得李夫人之凶
訃徒跣號呼越宿至於家旣葬廬於墓側漁於菱易饌
具以爲祭如是者三十年咸平詔士爲鄉族敦睦出中
進士甲第調尉建陽七月獲山寇四十有二人郡將高

某連奏署爲司理參軍長樂郡二婦爭產連年不決外
臺移公鞫之一訊兩服姦僞大破廢免前官數人詔授
大理丞知吉州龍泉縣二年移知康州轉殿中丞將代
郡人上書雷借特授太常博士復領郡事歸出知安利
軍三年轉運使李士衡寇瑛第其治狀上之就換屯田
員外郎再任大中祥符八年夏四月暴雨十日不絕山
欲客水鍾河於河弗勝兼任溢壚橫逆大決於凝陽公
聞不俟駕自往謀露坐風雨中三日夜課塞物輸積如
阜陵役卒夫獻力者數萬長茨巨榘剋期乃下湍泛不
定若將墊溺公奔其上立大呼曰皇天降災吏之無狀

也民何咎焉願以身障之激流及斷不動役民爭負薪
石鎮邊翼公登於陸遂成堅防水怒亦殺仆跌而死者
百餘人六月再決於魚池塞如之以功遷都官時宋亳
間積潦瀦民田數百千頃寇丞相準上公名詔以便宜
行相下鑿渠尾授於淮疏渫盡涸明年得墾田號上上
由是改職方知澤州天禧末河潰東郡今相國張公士
遜知政事魯公宗道薦公知滑州一日行隄至台山水
鬪南岸道崩礎而常之百餘尺不已公祭以一盛卽
時浪折沙踊郡人頌公誠前官表城之東北隅以謀脩
障公曰二道翼引猛不可中挫當彌其端柔其性就深

故川使自習則庶可矣苟截奔衝以抑之沛然孰能禦也乃徙表西北山下未幾郡寮以私相訟黜官徙公知忻州公拜奏曰忻亦良郡恥乎力役未施而又以罪去重貽上憂願竟其效而後之官朝廷業已除降璽書褒而遣之後卒如公畫而河平忻之邑民武鍾者嘗遇惡少五輩乞食焉弗與告以日而誓殺之及期夜有他盜過門鍾出詬且揮以刃不勝盜戕殺鍾及妻於室子踰垣以逸白於官官往擒惡少則亡矣得之別邑劾而具獄上公下之反覆七旬不斷官吏牢以讓公曰吾徃以五聽審一囚且無隘況於五者乎數日代郡得真盜官

居三年入改屯田郎請老還漳州天聖五年夏五月十日終於西伯里之私第享年七十二以明年二月九日葬於湯陰縣伯樂原從先兆也夫人趙氏封天水縣君沒先於公兄文甫中進士第終衛州判官三子曰昂昆吳一女歸於舜欽銘曰鄭爲姓之著郎爲官之美少見稱於孝仕登最於治終老故鄉出處之分畢矣

歙州黟縣令朱君墓志銘

沛國朱處仁表臣少從子遊長又同登進士第表臣宦於楚子適越遇表臣喜語旣且泣曰僕將葬祖父於真

有期矣敢以銘煩於君其母拒子諾之表臣遂狀其世
維先君諱咸熙字某其先宣城人也會祖訓唐末事李
氏至歙州刺史生景勲弘毅尚氣節陰知世將有變遂
徙其孥山東占營丘生保衡少明孔氏尚書太平興國中
登本科授冀州司理參軍再選達州東鄉主簿時賊
順騷兩川鄰城不守邑令呂棄印以逸主簿獨閉壁堅
守勢詘遇害時先君侍年才十三度不能力遂挺身脫
賊刃下日夜蹕數舍冒沒於兇黨中變民居作蜀俚人
語謀知官軍至開州趣出主帥前泣曰我東鄉主簿之
子不幸父以賊死而家有母妹在青州相去數千里不

能自通幸挈出死境使歸奉偏親以養惠施大矣帥哀
憐之使騎於後賊平道華之渭南逢呂令居焉語曰汝
父戕於難今汝幼又孤能至此以遇我天也山東道阻
當畱無徃必教育使汝成而後行可乎從之呂令嘉其
謹強向學善視若諸子遂許以女妻之後六年同至都
下自論敕賜同學究出身時咸平三年冬十一月也還
家拜親喜極哀動乃侍奉赴調授濠州定遠主簿綿州
司法參軍博州司理濠州錄事耀州淳化令五任十有
五年据法平直不撓未嘗過差然不肯悞納上官故無
有通薦者天禧三年秋罷官淳化因類刑書主司爲奏

御求補法寺吏未報得疾踰年弗平勉授歙州黟縣令
夏五月舟至宋疾甚歎曰吾出險艱得官以庇族潔躬
奉法不敢以欺死固有命然子幼家無資何以奉母幸
外舅官於泗可亟往以吾誠告之言畢而逝時五月朔
也享年三十有九踰宿至泗遂槨葬於佛廟徒旅於真
諸孤家白沙從呂舅之庇也夫人後君一年卒母李氏
後三年亦歿四子長即處仁泗州判官監楚州次處約
登進士甲科知南安軍上猶縣處中處厚皆天子見前
人罹禍患雖奴辱折屈苟活而不自羞卒能奮起以成
勲名蓋獨慮其亾軀耳長官幼齒而遂合此術嗚呼賢

哉向使如常童悲慕不能自引去徒血兇鋒於禍無所
轉則家君死難之節不表而朱氏之祀殄矣今二子皆
成名幹而有文采赫大門閭安可涯涘長官沒踰二十
年仁約以俸卜葬於真州某縣某鄉舉夫人以祔焉又
復東鄉之魂以大王母李氏合葬於兆之北中與厚又
屬其旁以某年月日之吉也銘曰
東鄉死官忠節較然君脫兇難可以孝言命狹祿小世
嗟其賢二子是似此其曰天葬得吉壤岡趨水旋濯濯
靈魄安此萬年

蘇學士文集卷第十四

蘇學士文集卷第十四

蘇學士文集卷第十四
太子少傅贈太子太保忠憲韓公繼室夫人王氏太尉
文正公旦之長女也初文正公在重位夫人長矣久擇
壻不偶日有盛族扳求而文正公輒却之時忠憲公初
第上謁文正公一見遂有意以夫人歸焉族間譁然以
謂韓氏世不甚顯大而上有親老且嚴又前夫人蒲氏
有子當教訓撫育於人情間實難以夫人少爲族人所
寵愛願於大家著姓爲相宜文正公曰以吾女性孝而
淑賢必能盡力於夫族且其節行易以顯亦足見吾家

蘇學士文集卷第十五

太原郡太君王氏墓誌

太子少傅贈太子太保忠憲韓公繼室夫人王氏太尉
文正公旦之長女也初文正公在重位夫人長矣久擇
壻不偶日有盛族扳求而文正公輒却之時忠憲公初
第上謁文正公一見遂有意以夫人歸焉族間譁然以
謂韓氏世不甚顯大而上有親老且嚴又前夫人蒲氏
有子當教訓撫育於人情間實難以夫人少爲族人所
寵愛願於大家著姓爲相宜文正公曰以吾女性孝而
淑賢必能盡力於夫族且其節行易以顯亦足見吾家

之法度焉族盛者驕惰恣放多以後事相誇遂是不喜
吾女之所向此非渠輩所曉知也遂以夫人歸韓氏果
能上承尊嫜奉忠憲公恂恂然舉動無一不中容禮者
撫蒲之生若已所出文正公每見必謂之曰爾遂能履
踐吾言出家人子所見使吾無所恨也忠憲爲殿中丞
封太原縣君及出守洋川留夫人寓外舍經時未嘗及
闌外惟文正公召然後見歲時族人出嬉夫人亦獨留
不往時諸子皆幼夫人課以詩書日使誦習文正薨召
入中闈賜冠服名通宮籍以時獻見夫人以謂因緣遺
恩又非從夫之寵每稱疾不行忠憲守青州急詔還臺

署中夜有聲若盜將發戶者左右駭甚請呼邏卒入以
視夫人曰乃公不家而夜呼卒非便設有盜寧以畏死
卒不可呼也性本閒約所衣不過綈紵經歲未嘗有所
更製晚節尤以清澹自樂日誦浮屠氏書其治家不尚
嚴厲而事皆密有條記忠憲教諸子甚嚴夫人內以慈
愛撫之間又勗以義理之說嘗曰乃父方正有法則爲
世所知汝曹若不效之外人將以爲類我是彰我不德
也其善訓如此忠憲爲御史知雜時卒於京師享年四
十四天聖五年六月二十日也景祐郊祀追封太原郡
太君初夫人之喪藁葬於國門之南佛廟後十七年忠

憲薨諸孤遂舉夫人之櫬合祔於許之長社縣某邨之
原以慶曆四年十一月五日之吉也所生男子七人曰
綜太常博士集賢校大理評事曰紉太常寺太祝四登
進士科皆有文聞於時京師士人論世子姓之盛者以
韓氏爲稱首非惟忠憲之訓肅嚴是亦夫人保育善誘
之所致女六人長適端明殿學士兼翰林院侍讀學士
給事中李淑次早卒次適大理評事蘇舜賓次適太常
寺太祝王整二幼未嫁孫男十四人孫女十二人曾孫
女一人某之皇妣爲夫人之妹故能詳夫人之行焉今
又爲諸孤所託俾刻石納於壙中不敢誣飾爲之銘云

大理評事杜君墓誌

杜君叔溫終於慶曆辛巳四月九日葬於慶曆甲申九
月二日許州陽翟縣麥秀原即其地君始生十餘歲能
通誦五經稍長學文精筆翰效杜子美作詩其勁峭嚴
密指事泛情時時復至絕處常恐以詩見名於世不肖
數爲使之有年而不息可勝言邪性灑然峻拔少所與
合然外甚謙煦喜評論終日麀麀不倦在平陽幕郡將
有率意放於治者君必以辨之雖老黠宿吏皆竦視莫
敢移其說天章吳安道祕閣石曼卿皆當世偉人奉詔
籍民兵於兩河獨延君計事君爲條其未便安者二公

歎息稱道之奄忽之前數月慨然棄官歸膝下嗚呼其知命歟享年二十有五官至大理評事簽署建雄軍節度判官事諱詵今樞密使吏部侍郎京兆公之長子娶崔氏一子曰振祕書省校書郎予以叔溫親而又以文義相周旋辛巳春予病甚叔溫來升牀執予手語言而去予時爲病所毒不甚辨尚意已必死不復見叔溫才三四日子稍聞而聞叔溫逝矣不覺震起一慟予病復作今予乃獨存而復恙每一念之令人悲酸况又見吾叔溫大葬且復誌其平生可勝悲哉

奉禮郎杜君妻清河張氏墓文

婦氏張靜而溫承勗子文節孫十八齡婦杜訢睦族人孝所尊才三終長安後四載封秀原號慶曆直甲申秋季初實令辰地陽翟此寧魂淑而天孰可論乳女一今始言石鏡文誌沈魂

兩浙路轉運使司封郎中王公墓表

公諱雍字子肅世爲魏人自烈祖祐歷職中某始有第京師太尉文正魏國公遭時奮庸相章聖皇帝著在國史復此不書公即文正公之長子幼而惇懿不妄言矣以文正公任爲祕書省校書郎久之改大理評事時年已三十餘未始從政蓋文正公以清慎訓諸子而公亦

恬於進取也文正公薨恩授光祿寺丞服除特授大理寺丞俄又遷太子中允同判太府寺故無同皆異恩也乾興中榮國夫人憂終喪入對賜五品服勾當馬步軍專勾司嘗以疾聞兩宮命中貴人勞問將太醫以診視之改殿中丞通判鄭州代還召升陞占對甚久上嘉歎之擢爲郡牧判官累更主客金部司勳員外充開封府界提點踰年上計賜金紫判鹽鐵案寶元初升祠部郎中京西轉運使丁母永康郡太君張氏喪既闋再領鹽鐵又判理欠憑由司慶曆三年出爲淮南轉運按察使賜對便坐上美公效官保家之才翌日特遷度支郎中

詔留不行尋判戶部旬院明年又遷司封又明年春充兩浙轉運按察使是歲秋七月甲子考終於錢塘之官舍春秋五十八九月其子奉喪還都十月甲子葬於開封縣大邊邨之先塋公生平仕宦所爲必罄風力未嘗有一毫過差每改秩必抗章辭避若不勝任明道中府界提點時歲旱蟲孽近甸艱食中出縑帛五十萬科賣民間取貲以市粟公曰歲凶當發而斂民將不堪建議封帛中帑易緡錢坐倉以糴衆以爲便明年隕雹殺桑縷蠶弗孳公又上白用所封之縑以充常賦俾民納錢以代焉許西之頓固歲誅旁民出薪木五萬餘以繕斗

門公命伐官堤之樹以足用民是以休又時有餘稅不能輸者吏甚急之公請對具述京師天下根本當休養豐息之今不蠲貸是趣其流亡也上悉從之郡吏有捕蝗而喝音謁死者公為出賻給其家屬提薦才吏未嘗言按人當世號為長者其任計省也以都下府藏主吏歲輒一易往往匿其簿領用賂更他局新至者視物之浩繁弗能究知因循積十數任敗沒欺攘不可勝紀公奏擇他官按籍以察其交承以故物之耗登吏之姦廉盡可明不復如故時迄今以為通制又天下嘗輸之貨郡吏部至京府有司必巧訾以動之至有蕩產伏辟而不

能償之者公建言使定其竅濫逋欠之當理者令三司本判官覆察面辨之遂絕其弊民有貸息錢戶已絕而籍不除有司閱籍責恩不已及久年之逋皆錮其子孫什保數百輩寒窶愁痛願以死償而未得公條陳其狀乞一切縱去朝廷從之公之區理事物窮姦恤隱如是者甚眾不可具道予自幼出入公之家接待公之起居迄於今踰三十年其久且詳可知矣竊觀其舉動飲食皆有常度不妄評論莫見好惡終日高拱危坐冠服端整雖對近習未嘗有驕惰之色人或以事撓之終不愠見聞或語言皆郁然有條以慎靖仁厚為之主作事有

本末不尚銛銳久而必立自文正公薨後數年文靖公
入政府內外姻族之盛冠於當時公慤守家政以清約
先已不爲浮侈隳其世法嗚呼其有常德之君子者歟
國朝丞子稍有立雖無他才朝廷必擢之美官若公者
績效著白而雅意沖退復不喜緣家世親戚以取恩澤
故門閥計府沒於郎署士大夫爲之歎息焉公二弟冲
任太子贊善大夫而卒字量閔厚偉人也素見任刑部
郎中知汝州剛峭善議論才敏過人臨事敢決無所屈
予謂資賦雖殊各得文正公之一體而公淵然澄泊議
者爲多二夫人皆先公沒前李氏大理卿湘之女後呂

氏即文靖許國公之女也始封東平縣君許公薨進封
安康郡君二子恰大理丞整太常寺太祝皆向學聞道
久未可涯一女適殿中丞通判鄭州呂希傑公視予爲
姊子公之亡予適在江外二弟以予知公之行驛求予
文表於墓故爲直述以見世焉

大理評事程君墓誌銘

有以純孝篤行著於吳里中者聞程君焉親疾齋戒蔬
食以禱後因而不茹葷二十餘年幼喜酒病醒而母戒
之自是終身不復飲既老得風痺之疾藥劑以有酒薦
通行其力者家人白之君歎曰吾雖晚耄敢忘親言乎

嗚呼食飲人欲之大君能因親之絕可謂純孝也歟里
有駱生嘗以二寶帶密寄於君駱之死君即歸之其子
不敢取又願分一以爲遺公曰欺死受貨非吾所能爲
也族人離其貲產君悉不受惟受諸女之孤鞠養之長
歸士人吳人好鮮食君獨戒殺又樂賑人急難不問疎
密凡鄉閭冠昏喪祭之法多取中焉君必隨其豐約而
條處其事寡者或爲資給之每觀書史必擇仁厚之言
書於門牆以誦服焉卒之日鄉老皆爲之泣下斯可謂
之篤行也已君諱某字某於慶曆七年月日終于家壽
六十八曾祖某仕錢氏爲營田使祖某徙籍於蘇父某

皆高邁不仕夫人劉氏淵靜有法則奉承尊婢接姻舊
莊順之色夙夜不絕於顏內族人稱美之君之懿行聞
於人夫人有助焉耳慶曆四年郊祀推恩以君爲大理
評事夫人爲彭城縣君用子封也夫人享年六十有五
先於君百日而終三子長某次某次師孟太常博士知
南康軍才敏有聞所歷著治狀一女嫁桐廬令樂某孫
男女十七人以明年某月某日將合葬於蘇之某鄉太
常君與子同年登科授狀丐文以識其寔銘曰
士大夫可固以名鄉人不可欺以行誠久乃著宜昌其
盛不在厥躬豈不有命壽弗夭闕嗣則淑令族尊理榮

乃終有慶刻文於寔從世所證

廣陵郡太君墓誌銘

慶曆六年秋七月刑部郎中知制誥趙公槩之壽母終於蘇之官舍踰月取涂於佛廟卜於明年某月某日之吉護神輿還南都祔先侍郎之墓公疏其族氏見屬爲文識諸壙云夫人姓高氏世居青州之益都祖輦後唐爲王府記室以詩名於時父某少喜孫吳兵法事楊光遠爲帳下吏陰知光遠有異志遂逸去後光遠以逆誅乃閒居不復出仕宦東人高之生二子及夫人每歎曰此女若爲男子吾門戶復何憂邪夫人幼敏悟聞人誦

詩書一過耳盡記不忘性澹泊不衣組繡不喜茹葷初侍郎通判密州夫人歸焉典訓閨中事皆有條緒始封千乘縣君侍郎先娶張氏有男女六人夫人煦育教誘過於已之所出生四子長曰明允博學有器識季即公也餘皆先夫人而亡侍郎旣沒家資盡窶夫人每聞諸子之賓至必解衣爲貰酒脯使延之從容以講習道義故七子皆舉進士有聞於時公最幼自初能言夫人日自課以書使調四聲作詩賦十七歲舉進士旣孤二十四年公登甲科後三年爲著作郎直集賢院以恩封渤海縣太君又十年公知制誥拜章乞以一官及封爵食

邑換夫人以郡封詔從爵邑之請自是遂爲著例進封
廣陵郡時年八十一明年召中外親族當爲昏姻者爲
處理辦給之又謂公曰爾當于近都市居第以安族人
及夏寢疾涉冬稍間因思食筍且曰可求補外南方地
濕筍得早出也十二月公即屢削章詔守吳郡二月侍
夫人東下夏以霖晦卑濕感疾甚篤一日指芻室曰此
可作孝堂弔者至爾哭于某處居喪之禮當然也後數
日食飲如平時忽曰今日中元吾其逝矣俄即瞑目嗚
呼夫人有子如是婦節母道爲時所師非以文而不朽
也銘曰

少愛于家擇賢以歸賓祭潔恭壺儀輝輝寡居教子卒
觀雄飛睦族周乏楮無兼衣先識遠鑒審如神著疾雖
沈縣不考筮醫緒言泠泠事物盡宜琢文陰壤庶永後
希

哀穆先生文

并序

嗚呼穆伯長以明道元年夏客死于淮北道中友人蘇
叔才子美作詩悼之遣人馳弔之痛夫道不光于又次
其一二行以鑑于世爲文哀之先生字伯長名脩幼嗜
書不事章句必求道之本原皆記士徒無意處孰評論
之性剛峭喜于背俗不肯下與庸人小合願交者多困

拒之議事堅明上下合古皆可錄然好詆卿弼斥言時
病謹細後生畏聞之又獨爲古文其語深峭宏大羞爲
禮部格詩賦咸平中舉進士得出身調泰州司理參軍
牧守稱其才貳郡者惡之又嘗以言忤貳郡者守病告
貳郡私黠吏使誣告先生賂具獄聚左證後召先生使
衆參考之由是貶池州中道竄詣闕下叩登聞鼓稱冤
會貳郡者死復受譴于朝後累恩得爲蔡州參軍先生
自廢來讀書益勤爲文章益根柢于道然恥以文章有
位以故困甚張文節守毫毫之士豪者作佛廟文節使
以騎召先生作記記成竟不竄士名士以白金五斤遺

之曰枉先生之文願以此爲壽又使周旋者曰士所以
遺者乞載名于石圖不朽耳旣而亟召士讓之投金庭
下遂俶裝去郡士謝之終不受常語人曰寧區區餬口
爲旅人終不爲匪人辱吾文也天聖末丞相有欲置爲
學官者恥詣謁之竟不得常客京師南河邸中往往醉
暮歸過地如不省持者邸人猶聞其誦吟喟歎聲因隙
窺之則張燈危坐苦臚執卷亦出曙用是貸其資毋喪
徒跣自負櫬成葬日誦孝經喪記未嘗觀佛書飯浮屠
氏也識者憐哀之或厚遺則必爲盜取去不然且病或
妻子卒後得柳子厚文刻之值售者甚少踰年積得百

緡一子輒死將還淮西道遇病氣結塞胸中不下遂卒
嘻吁天之厭文久矣先生竟以黜廢窮苦終其身顧其
道宜不容于今世然由賦數騎隻常罹兵賊惡少輩所
辱困其節行至死不變有孤孺且幼遺文散墜不收伯
長之道竟已矣乎初先生死梁堅自解以書走上黨遺
子欲訪其文俾予集序之去年赴京師歷問人終不復
得一篇惟有任中正尚書家廟碑靜勝亭記徐生墓志
蔡州塔記皆平昔所爲又不足成卷今舅氏守蔡近以
書使存其家且求其所著文字未至間作文哀之道不
勝于命命不會于時吁嗟先生竟胡爲

祭舅氏文

維年月日甥蘇某謹以清酌庶羞之奠致祭于大舅按
察郎中之靈某放廢於朝旅泊胥臺殊鄉寡知動成嫌
猜始未踰月舅以漕來連牽巨艘旆旌徘徊拜舅官亭
羈顏一開語言煦煦慰兼該處以行署拔于荆柴異
俗改眼驩然相陪曾不兩月遘茲凶災訃聞始至肝心
裂摧百感惻惻淋漓淚顙慈幃之掩再更律灰觸事殞
絕不能彊排惟吾舅親他親莫偕如母之存實慰此懷
不意忽奄孤心頓乖相閱令器朝家淑才不登年齡豈
天所差執牽西送長江之隈丹旆的的素帆矐矐死生

隔絕今又獨回致此薄奠庶將告哀尚饗

祭滕子京文

武功蘇某等謹以清酌庶羞之奠恭致祭于知府待制
學士之靈惟靈稟之剛明精于義斷學有根柢才無涯
岸往在諫列讜論侃侃屢觸權要卒就貶竄提兵窮邊
策畫貫穿士奮樂死戎讐而散謫起南逐曾不愁歎改
麾于吳忽此凶變人已師保國失蕃翰月然公庭屢奉
談宴今哭而趨循視斂棺光儀精爽爛爛如見無以宣
哀是用酌薦靈其來下歆此微奠嗚呼哀哉尚饗

蘇學士文集卷第十五

蘇學士文集卷第十六

推誠保德功臣正奉大夫守太子少傅致仕上

柱國開國公食邑三千三百戶食實封八百戶

賜紫金魚袋贈太子太保韓公行狀

曾祖惟忠累贈太保曾祖母張氏江國夫人祖處均累
贈太傅祖母李氏舒國夫人父保樞累贈太師中書令
尚書令信國公母郭氏越國夫人繼母周氏吳國夫人
公諱某字宗魏其先世占貢定府靈壽縣之籍皇考以
明經游京師遂家焉公以咸平五年登進士第除大理
評事知亳州永城縣其地舟車錯出號劇縣本縣吏部

銓補令久不治始廷擇京師官宰之公既至刮剗宿滯
去人所不便安者又爲興起其利未數月一邑驩然從
之郡將皇甫選爲世吏師聞公治狀歎伏不能已又貽
之書而稱美之自是他邑訴訟之不決者必屬公平處
匈奴南牧章聖皇帝狩於澶淵太尉文正王公奏筦機
事牘章繇委一出公手景德二年外臺表公永城之勞
改大理寺丞通判陳州尋移通判鄆州未幾信國棄養
護喪歸上都服除通判許州再移於陳時郡界河決害
民計其補塞費鉅萬公馳至其地集瀕河丁壯就伐薪
藁親爲裁畫一物不取於民而堤復完堅又去郡數十

里有羣寇大浮艦而下將劫芻邑公廉知之自部十餘
卒夜掩至命堰河絕上流舉火伐鼓以疑之賊棄舟送
走盡束以付吏譚者伏其謀勇轉運使鄭文寶聞之走
檄會公于許既至歎曰急欲識公之面顏耳秩滿上祀
汾陰恩遷殿中丞因進文十卷上覽之加賞欲召試文
正公避嫌例除遠郡守特召見改太常博士知洋州郡
有公校李甲者豪於里中誣其兄之子爲他姓賂里嫗
之貌類者使奪以爲己子又醉其嫂以嫁之盡取其貲
嫂流離歷訴於州及提刑轉運使每置對甲輒賂吏常
掠使自誣服杖而去者前後十餘年公至復出訴察嫗

色冤甚遂索舊牘視之皆未嘗引乳醫爲證一日盡召其黨出乳醫示之甲遂伏辜母子復故八年遷屯田員外郎知相州時河北蝗旱轉運使固歲計覆不以實聞諸郡畏莫敢言公力抗章請蠲賦役州民賴以全活詔嘉獎焉郡伍伯誘民詐許以事禱主子舍者而陰受其賕公察知之盡捕繫獄表請御史推鞠獄成杖伍伯及同姦竄海島事雖驗白宰相與文正公有隙者言於上猶下遷公通判大明府時文節張公鎮魏薦公才中御史遂召爲殿中侍御史尋擢侍御史時淮浙蝗旱民飢殍流散命公爲安撫所至賑廩困蓄家罷諸役作舉良

吏以牧養之合肥有陂可溉田久爲右姓專其利公決導以濟下戶得以衣食者不可勝數未還上嘉其稱職除開封判官一日奏事畢趨出至屏外復召賜緋衣銀魚歲餘除河北轉運使詔留監定故丞相向公諸子分財丁崖州當國勢懾天下私所親諭公欲市向公長安華嚴別墅又諷其子從之公至其家面戒曰土田衣食之源不可棄故餘財盡均而華嚴獨存不以分由是忤崖州意及赴河朔舊二使並移他道公先獨領其任會章聖御樓宴駕今上踐祚賞賚重沓常計不能支朝廷深以爲慮督責甚急又定州帥曹煒威名素著得士卒

心爲崖州所惡以大將軍貶萊州朝議憂其拒命逗撓
爲變詔公馳驛收其兵柄崖州又欲緣此伺公隙以危
法中之公從容優裕處之甚閒無不得其宜者覃恩改
司封員外郎又加直史館天聖二年移知青州才數月
召爲侍御史知雜事賜金紫三年判大理寺遷工部郎
中治臺雜幾二年時中丞闕久不補連鞫詔獄郡將有
託所親納金于宰相文穆公又因牙吏審之公知執吏
以聞詔付臺鞫焉郡將遂誣吏誤以聞所親之語達文
穆欲滅其迹公平心窮治果郡將以疾懼廢求外徙金
未達而言漏文穆大怨之時都下有告急變者中貴人

夜開禁門捕卒百餘人付臺公一訊情得悉釋其縛中
貴人即付詔督促自以捕反者有功及文致獨坐告者
誣罪誅之三司更茶法歲課比不登公承詔劾前與議
者由丞相而下輕重有法用法持平不爲權貴傾撓二
宮稱歎時議難之俄兼知審官院四年授龍圖閣待制
充北朝國信使副介匪人妄傳明肅皇太后旨于虜中
寺人虜主問曰太后即有旨大使宜知公應曰本朝每
遣使必謂之曰繼好之事傳示後世兩朝之臣毋相阻
猜此乃平時戒使者語非欲達于北朝也虜主大喜即
以語附公謝上時皆美公能以副介失辭更爲恩好之

意還掌貢舉又編近制敕公曉析條義衆皆咨而後定
仍乞以新書頒天下許所在條陳其不安者更之既而
出知亳州未幾上以審刑案牘之繁召公領之公建言
乞促日限以降斷敕及刑名當奏稟者亦乞裁定中典
頒下自是無滯獄七年改兵部郎中同判吏部流內銓
八年授樞密直學士知益州留侍郊祀乃行明道改元
拜諫議大夫居益部二年值大旱薦飢力爲拯濟他郡
流冗者歸焉故事每歲官糶粟六萬石與貧民公爲先
常期增數以出之以故民不太乏久旱水涸苗枯且死
公詢舊老得九升江口決以溉田訖今利之又移上供

物於他州不飢處將代郡人遮轉運使言願上白留公
三年手詔敦獎既而有旨召公參知政事宰相以益部
遠方不可亟還須代歸以拜事緩遂力援他人補之故
公命中格及召還止授御史中丞充理檢使入對建言
維幾二州地接羌尼秦隴商賈交易蕃部驅馬至永康
軍場以賣盡熟山川厄險道路所出宜徙場境上以絕
其覘覩兩川之意又奏疏言時務者五事上深加納之
景祐中楊尚二人以罪斥出掖庭公上章引古事爲戒
杜其復入及依唐故事奏置御史裏行四員以廣言職
馬季良在貶賂執政者求致仕遂遣家人過登聞鼓命

始下言事者以謂致政所以優賢季良既以罪廢安可
得詔公劾登聞吏不當通其奏公以謂事行不行在丞
相府登聞吏無罪何所劾納敕不奉行上躓之議者以
爲有體不踰年授工部侍郎同知樞密院事公以天下
久承平武備不戒願與二府各列武臣才任將率者試
用之又乞纂兵法以授邊將上遂自集神武祕略頒焉
嶺南蠻寇邊先時必自中發兵多不及事至是公奏置
廣南東西路鈐轄司委以便宜專用土兵鎮守北兵不
徙瘴癘之地而有以應猝夏賊稱藩日久歲遣人至京
師貨易出入民間如家公深以爲不便請下詔推恩置

館舍遣使接引官爲監其貨易若優待遠人者實羈防
之也事旣下會公參知政事不久且出不果行唵嘶囉
與元昊交兵唵嘶囉來獻捷朝廷議加節制公獨以謂唵
囉之族俱藩臣縱不能諭令解仇又以獻捷加賞是激
元昊之怒而爲中國生患固執不可遂寢陝西轉運使
奏乞遷土兵內郡以省轉餉公不可曰此兵世爲邊人
樂自爲戰一旦徙去鄉里必怨不可用亦罷其議景祐
四年授參知政事占謝之日召坐嘉歎西府之效尋遷
戶部侍郎是歲定襄地大震星文見變公方在告力疾
入對爲上陳災異之端且虞夸狄內侮宜下詔求直言

消復之術上欣然從之有頃罷知政事改吏部侍郎知
應天府三年以西羌擾邊復授北備授公資政殿學士
知成德軍入境在道中使齋手詔問攻守方略公畫備
禦之策甚詳延州陷沒邊城中人誣以降敵朝廷發兵
監其家公求對力辨戰俗甚苦無降屈之狀上意釋然
去守兵或謂貢定不當北衝改知澶州屬以控扼之計
數以疾請便郡移亳州郡本多盜公始至諸邑日有剽
劫民情騷然公爲設策刺取乃府大吏爲之囊橐以故
益滋不敗密發卒盡捕得百餘人尸于市郡中震肅訖
公去不復有盜轉運使歲斂民力不堪遣牙校齎輕貨

即地所有市之民不知有賦而軍須以給慶曆元年遷
尚書左丞拜章固讓有詔褒荅明年請老授太子少傅
致仕四年八月十五日薨于京師之里第享年七十三
以某年某月葬于許州長杜縣嘉禾鄉之先塋公累階
自將仕郎至正奉大夫勲自騎都尉至上柱國爵自伯
至公疏封之寵三加焉公性方嚴質重雖笑言不妄每
朝廷有大議論所持堅正形於顏色惟義所在不恤權
忌一發于言衆莫敢奪雖燕居未嘗見其惰容治家處
身一以素約起微中至貴始終無少異者訓厲諸子綦
然皆成立遇物以誠不爲外飾視人困厄必欲力之葬

外親貧無竈者二家蔭孤藐不自振者四人使以祿奉其先祀公先夫人蒲氏追封安定郡太君也再娶王氏進封太原郡太君相國文正公之女男八人長曰綱前水部員外郎次綜太常博士集賢校理次絳太子中允次繹次維次績太常寺太祝次緯大理評事次紉太常寺太祝女六人長適端明殿學士給事中李淑次早卒次適大理評事蘇舜賓次適太常寺太祝王整二人幼未嫁孫男十三人長宗彥大理寺丞次宗道太常寺奉禮郎次宗古次宗哲宗弼將作監主簿餘幼未名孫女十二人長適光祿寺丞李壽朋餘未嫁曾孫女一

人舜欽于公族爲仍親故稔公風烈敢錄其實迹納于太常謹狀

朝奉大夫尚書度支郎中允天章閣待制知陝州軍府事平晉縣開國男食邑三百戶上護軍賜紫金魚袋王公行狀

曾祖某左拾遺累贈太師尚書令魯國公祖某兵部侍郎累贈太師尚書令晉國公父某兵部郎中贈戶部尚書公諱質字子野其先占籍大名由晉公賁始居京師自幼好學不羣兒嬉太尉文正公即公之伯父祥符中爲大丞相蔭公爲太常寺奉禮郎稍長向學益篤一日

以所著獻于文正文正覽之驚嗟親爲作詩以美之改大理丞尚未冠又以文聞奏御召試學士院考入進士第劉尚書筠在翰林與諸公文薦遂克館閣校勘轉中丞太常博士遷集賢校理改祠部員外郎時年始二十五風韻高灑喜辨論所交皆當世豪英未始敢以貴勢少年遇之俄丁尚書憂旅于南都與諸弟飯脫粟茹蔬至性孝睦族無間言服除同判蘇州郡守黃公宗且前輩有才望任氣自雄長以公齒未壯初未甚禮公事之至恪雖被譏嘲絕不讎應官事有未便者必乘間以白之不聽則力爲辨其枉直必于行而後已黃公初忿恨

終感悟而加禮焉還朝賜緋魚改度支同判尚書刑部又判吏部南曹改司封知蔡州蔡之圭田頗瘠民歲輸租甚苦之公至郡悉蠲除不取俗舊祠吳元濟公曰安有逆醜而廟食者乎長吏不能革舊俗之濫民何觀焉於是毀元濟之像以狄梁公李太尉有功于唐而德及蔡人遂建二公之祠號雙廟率羣吏往拜祀之而轉祠部郎中召爲開封府推官公兄雍時亦爲三司判官公曰是皆劇職吾兄弟並命妨寒士之進遂懇辭之出知壽州郡素號多訟而邑所部送囚雖重辟往往僞竄其名以上公摘其濫姦擒邑吏坐鞭而黥之自是肅然又

多豪姓五等之籍久廢每斂率無科吏以賂爲輕重公將定其籍不問吏手吏竊相笑語曰是烏能周知吾民之產乎公一日會官吏坐府中自爲檄召隱豪而諭之皆稽首歎服餘之登耗纖悉無差一府震駭號爲神明又移廬州巨盜張雄殺其黨并所賫而遁邏者獲之公以法誅之牘下大理法官引近詔盜殺其徒者原之雄不當死吏當坐罪公曰法所以戢姦而斷實原情今雄本罪當死而又殺人以取賫旣非自首而捕得之盜無悛惡之狀法無破姦之術疏三上不省公曰吾不勝法吏矣又上疏自劾願不坐羣吏又不聽願自爲首乃聽

遂左降監舒州靈仙觀他吏得減一等公襟上高爽有仙風道格日與二三逸人放意於江山之間笑歌盤嬉灑然得方外之趣夙有羸病藥劑未嘗去手既至舒數月而舊疾頗愈因採古今練形攝生之術著寶元總錄一百卷逾年今資政殿學士給事中韓公琦知審刑院上言前法頗濫因申明舊制請盜殺其徒者不首不原朝廷從之如公往者之議又今資政殿大學士鄭公戩翰林侍讀學士葉公清臣皆薦公才可大用而以非辜久黜遂起知泰州歲中改度支郎中入朝授荆湖北路轉運使賜三品服自西方用武領是職者務先培下以

爲事事爭以羨餘爲名貢于朝以助軍需其實誅于民也朝廷往往擢之好官號爲稱職公深嫉之常賦之外無一毫橫斂遠民賴焉富公弼爲資政殿學士常帶史館脩撰平生未嘗識公面而素慕之薦公有賢業而恬不喜進願召還代脩撰從之又命同判吏部流內銓俄拜天章閣待制是時上方登用俊良剗革夙弊公雍容侍從之列以清風峻節爲一時所畏或以公少所獻納爲議者君子謂使子野于朝雖恬然不言士大夫仰其風采亦當競廉讓而忘鄙俗之心焉爲吏部未一歲號爲稱職嘗謂同列曰官局之設若權衡然險者妄自高

下非器之弊也苟遇物持平輕重判然于中矣故貴豪者毋偉請孤遠者毋廢勞老吏手束脅息不敢搖動其法州縣巧黠吏有以賄得舉者於格當遷公廉知之遂爲密啓使使從中罷者甚衆俄出知陝州才一年寢疾慶曆五年終于官舍享年四十有五累階爲朝奉大夫勲爲上護軍爵平晉縣開國男公少以師禮事楊文公億文公深器之嘗以書譽于劉翰林曰子野英妙不銜文于進當世佳士也又以公詩句手寫扇上衆爭玩之由是名稱益大公剛峭介潔而性仁厚果于義斷論者謂之烈祖之風操靜退不喜進趨或與公同在館閣者

皆去爲達官當塗教誘公終不爲屈以是益不見用公亦自適無所憾朝議嗟之公有女當嫁遂求廬州例得裝錢二十萬將以爲資送執政者諭意欲公往謁之公終不往遂不得公謫官靈仙至窘匱乃舉族蔬食數年未嘗食肉每得俸入輒厚享賓客數日而竭公年三十入爲尚書郎每授命則惕然驚悸曰吾先君壽六十有八終于省郎吾今亦已老矣性純孝每道先君事則灑然泣下公弟素自淮南按察使被召帥涇原命下之日公通夕不寐召諸子謂曰吾弟母老且病子至幼詎可以禦戎窮邊乎吾無親憂而汝輩長矣明日遂上言乞

留素而自代願死節以報國弗從又命其子規曰朝廷不免吾弟之行吾所憂也汝其往侍無怠焉公特愛於規其以多病未嘗使離邾下又幼弟端力學勤官十餘年未出州縣公當遷官拜章乞端召試遂賜進士出身公智識閑遠善譚名理雖庸人之善終身不忘爲郡先化導不尚威罰主漕荆南也嘗權府事有媪訴其婦之見逐無所歸公召而詰之婦曰舅始亡姑即嫁去既窮而歸奉養甚謹後取之金又嫁今復窮而歸故不敢舍公曰姑雖不良獨不念若夫邪又謂其婦之子曰爾毋薄于姑爾獨不念父邪遂切責媪諭以改行又取家人

之衣以衣之與婦孫廩粟使以歸養於是皆感泣而去
孝愛如初大凡民有犯法詆欺者雖末事必竟過誤雖
大必貸之或良頑共罪頑雖辭勝若真可信者公必直
指其隱善惡立決衆伏其明所至橫猾屏迹畏公之明
不敢犯外臺非其人多暴斂于民者公悉不承命與之
講辨或不決聞之于朝每多見從故數爲惡吏撫事以
中公亦浩然不校然不能害公治家嚴明有法度以道
義訓子弟初文正爲中書舍人家至窶與昆弟貸息錢
約違期以所乘之馬償之公閱書得券召子弟而示之
曰此吾家清風爾曹當毋忘此事又得顏魯公爲尚書

時乞米于李大夫墨帖親摹于石遍遺親友公喜士好
施凡遇人危急平生仇惡皆一視若己未嘗問家有無
唯聚書數千卷古琴數張出處未嘗舍去公既卒陝人
哀哭塞道朝野無賢愚皆相弔出涕家貧柩不能還先
塋朋舊在要官者皆力之遂得還京師嘗語人曰吾思
世故無所爲忽忽欲熟醉以死幸矣屢以後事屬家人
且笑曰人世一呷耳安可久期哉公之生也以七月二
十六日亦以是日而亡娶周氏封褒信縣君故禮部侍
郎起之女男三人曰恣將作監主簿曰規前明州奉化
縣主簿曰復將作監主簿女二人長適太常寺太祝范

純仁資政殿學士仲淹之子次尚幼謹狀

蘇學士文集卷第十六

Blank columns for text in the right-hand page.

蘇學士集校語

蘇學士集行世惟商邱宋氏刊本舊本罕見今假海甯陳氏甚茲以何校為大字以宋本注于下

歐序

一葉一行

無原字

蘇學士文集總目

武功蘇 舜欽 字子美

一葉四行

無古詩二十四首六字

七行

無與同年三字

十七行

無己卯冬三字

二十行

有二首二字

二葉二行

無感懷二字

五行

無古詩二十首五字

六行

無揚子

江觀風浪六字

九行

無高文悅三字

十行

無釋字

十三

作揚子江觀濤吳江亭看月寄張子野十四字

十四行

無

越州二字

十五行

無之作二字

十六行

無歸值風三字

十七八行

作出京後寄韓二歐陽九杜二

三葉一行 檢書下有高山別鄰幾一行 三行 作答呂公初 五行

暴作大無雷霆二字 七行 無古詩二十首五字 八行 無依

韻二字 十行 無詩字 十一行 無和鄰幾三字 十二行 無

依韻見月遇雨六字 十三行 無夜聞感而成詠六字 十六

行 作張生攜琴酒見過 十八行 無呈子履三字 二十行 作

留別王原叔

四葉一行 無和子履三字 二行 無尹字 四行 作答公素學士

九行 無古詩十八首五字 十行 無若神二字 十二行 作郡

侯見訪 十三行 無赴彭門三字 十四行 無寄字 十五行

無感詠二字 十七行 無庶子泉三字陽冰上有李字

五葉二行 無子華二字 五十六行 作夜出盤門呈黃尉 十一行 無

古詩十四首五字 十二行 作黃雍佚老亭 十三行 無還家

二字 十四行 無和歌二字 十五行 無詩字 十六行 無圖

字 十七八行 作演化彈琴 十九行 無同年二字 二十行 無

丙子仲冬四字

六葉六行 無淮上二字 八行 無律詩三十四首六字 十一行 作

師黯寄彭甘 十四行 無後字 十六行 無夏日呈王尉五字

十七行 無還鄉二字

七葉一行 無游南內三字 二行 無游江南三字 三行 無和馬承

之四字 六行 無獨字 七行 無過字 八行 作含元殿基

十行 無望字 十一行 無留題二字 十二行 無宿終南山

下五字 十三行 無與友生會話五字 十四行 作王揚庭宰

巫山 十六行 無春暮初晴四字 十七行 作寄王耿 十八

十九二十行 作范希文尹師魯歐陽永叔

八葉四行 無和遇二字 五行 作先公愛馬 八行 無律詩二十九

首六字 十行 無無錫二字 十三行 作通越門 十五六七行

作秀州城外思解生

九葉一行 無杭州二字 二行 作安濟亭看潮 四行 無長橋未明

四字 五行 無晚霽二字 九行 無藍田二字 十行 無冬夕

有懷四字 十二行 無答和叔三字 十五行 無有感二字 二十行

十七行 無有感二字 十八行 無野步有感四字 二十行

作和公素丹陽晚望見懷

十葉二行 無題壁二字 七行 作鶴唳 八行 作松江橋對月 九

行 作答杜丞相 十二行 律詩四十三首六字無 十三行 無

晚字 十四行 無依韻二字 十五行 無見寄二字 十九行

無三夕二字 二十行 作懷月聽琴

十一葉二行 作宿虎丘寺 八行 無步亭二字 九行 無亭字 十

一行 無揚州城南四字 十五行 吟作游 十六七八行 作墨寶

亭之集賢 十九行 作書上游何山

十二葉一行 無偶書二字 二行 作寒夜答子履 三行 作游曹氏

園 五行 無道中作三字 六行 作法喜堂 七行 作贈僧則

暉 八行 無關都官三字 十至十三行 作答葉侍讀 十五行

作嘉樹亭 十六行 無偶作二字 十七行 作夜聞窄酒 十

八行 無南中二字 十九行 作卷第十一 二十行 無書七首

三字

十三葉二行 作上范公書 三行 作上三司使葉公書 四行 無京

兆字 五行 無冲字 六行 作上孔公書 七行 作上文相公

書 八行 作卷第十二 九行 無書六首三字 十二行 作答

范公書 十五行 無公字 十六行至十四葉二行 無諸目一至

七七行 十四葉三行 作卷第十三 四行 無上書疏狀九首六字 六行 作

詣甌上言 七行 火上有論字 十二行 作詣甌上疏 四行

作卷第十四

十五行

無啓表十二首五字

十六行

作上奉

寧軍陳侍郎啓

十九行

後有哀穆先生文祭舅氏文祭滕子

京文三行

十五葉三行

無第一一二字

四行至七行

第二表等字皆作又字

八行 作卷第十五

九行

無記序雜文十六首七字

十一行

作大悲殿記

十二行

無新修二字

十六葉四行

無孝子二字

四行

作卷第九

七行

無誌銘八首四

字

十一行

無知代州三字誌下有銘字

十行

作崔處士

君墓誌銘

十三行

作太常博士宋公墓誌銘

十四行

作屯

田郎中鄭公墓誌銘

十六行

作卷第十

十七行

誌銘六首

四字無

十七葉二行

後有韓公行狀王子野行狀二行

四行至十行

俱無

十二行

作蘇學士文集目錄終

蘇學士文集卷第一

一葉六行

無傍注字

七行

鎖鎖

十二行

父又

十六行

舜堯

武功蘇

舜欽

字子美

二葉七行

榮榮

十二行

毗睚

睚毗

十八行

頓頓

寨寨

三葉五行

火大

六行

已之

八行

騎虜指笑

虜騎笑指

十五行

齋榮

掉棹

十七行

新斯

四葉二行

明名

十行

辯辯

二十行

尙向

五葉十一行

殷勤

殷殷

十四行

棖張

十五行

不爲傷生事更多

宋本無更多二字
何云据舊校增

六葉十行

截絕

十八行

侍倚

八葉十五行

坵塊

九葉一行

蒿蓬

大小言

宋本作一首
校分作二首

了語不了語一

一篇文
刻鏤

蘇學士文集卷第二

一葉二行 揚子江觀風浪 舊校云此首鈔本 八行 艱難 十三行 風

雨 十四行 忍 忽 十五行 類 雷 二十行 令 今

二葉三行 北 關 十一行 旌 帛 東帛何云東鈔作 旌今定為旌字

三葉九行 生 坐 十二行 餓 飢 十三行 徒 多 十七行 羌 賊 賊羌

二十行 懟 對

四葉二行 滂 沱 霧霰 十行 上 漸

五葉二行 去 奔 三行 指 措 五行 精 情 二十行 寄 仲 文 脫仲 字

六葉二行 塵 城 四行 迂 返

七葉二行 唯 爲 十六行 番 蕃 二十行 暱 匪

八葉一行 句 涌 疑 句 漏 否 則 當 爲 句 涌 左 傳 哀 二 十 二 年 越 滅 吳 請

使 吳 王 居 甬 東 注 中 會 稽 句 章 縣 東 海 中 洲 也 第 六 卷 有 重 過

句章郡詩其爲句涌無疑 七行 册 詩

按三行夢斷風一眩下從文鑑及時刻宋詩鈔作別爲一篇 題爲別鄰幾余賦高山詩以見意後見舊校云鈔本如此

九葉三行 仆 自 八行 暴 淫 十二行 看 首

蘇學士文集卷第三

二葉五行 冀 州 綠 髮 三 十 一 冀州二字 從舊校增 六行 面 膺 珂 河 健 健 九行

凄 樓

三葉一行 皆 香 四行 塵 織 澈 特 徹將 六行 經 徑 十行 清 精 苦 若

十一行 免 勉

四葉四行 君 書 愜 感 五行 無 花 字 清 下 有 尊 字 九行 惚 忽 八

行 將 疑 鏘

五葉一行 義 意 十七行 臆 屬 所 四 十八行 烈 烈 不 聞 之 者 二

十行 器 亦 於 于 川 水

六葉一行 平 嘯 玉 璧 二行 嗟 呼 七行 羽 質 據 騷 琴 何 氏 書 和

子履雍家園詩後云此詩亦載歐公外集據歐集則荆公四家

詩選中亦有之剝落歐集作解剝君之作知震下有起

字 二十行 紉緝鏗鏗

七葉一行 凜凜 賦賦 九行 聚聚 十行 迸迸 十七行 紉緝

八葉一行 衝冲 治住 可下有休字 辦辦 十行 瘁

音審瘁 二十行 思事

九葉六行 已樂 九行 滯滯 八入 十行 晨夕苦

蘇學士文集卷第四

一葉三行 然於放然 十一行 庖廚 十二行 炙燻 十四行 見跋

已跋已見 十六行 關関 十七行 身世 十九行 益抑

二葉一行 於與 二行 琚裾 四行 辜孤 十二行 蹤縱

三葉一行 惚忽 惚忽 具俱 四行 但耽寢耽晝寢 五行 騫騫 十四行

孺立

四葉六行 力辯力辯 八行 森生 十行 寇官 推追 十五行 挪邪

五葉二行 舍舍 十四行 波浪 十五行 經徑 十七行 漫漫 十

八行 平半 十九行 子予 二十行 歎難

六葉四行 石古 晃見 六行 嶽嵌 釘釘 七行 釘釘 八行 未又

九行 聞文 十行 南向 十九行 瞰看 二十行 楞稜

七葉三行 子履杖履 四行 彼被 九行 擿擿 十七行 碧璧 十

八行 相疑明

八葉十二行 眷卷 十三行 予子

九葉一行 礪霹 霹霹 五行 必心 十一行 澄不流不流流 紛紛澄

澄 十五行 精清 十六行 餽釘

十葉六行 葉木 汗汚 八行 忘妄 十一行 嘉佳

蘇學士文集卷第五

一葉十四行 虎步步虎

二葉二行 編 八行 精積 十四行 北 此 十八行 入 噤慘 人 三

字何云 以意改

三葉一行 月石硯屏歌 石月屏圖 四行 得成 五行 且 或 兩 二 七

行 常蛾 婦娥 下同 十行 吸 向 十一行 爍 關 羅 羅

四葉三行 至 仗 伏 十五行 兼 間 十八行 糶 羅 十七行 鴈 燕 十八

五葉二行 木 水 七行 飢 餓 十四行 棍 棍 十七行 鴈 燕 十八

行 緣 原 十九行 歌 口 疾病 十四行 已 以

六葉三行 王 玉 下 九行 郭 郭 十三行 疾病 病 疾 十四行 已 以

十七行 立世資 勸誦讀 圓曲勿自悅 時命不復說何云圓曲以取世資所謂草竊也鑑本亦誤

十八行 緜 體 怡 旅 拾 稻 十九行 漿 飲 渴 竭 九行 飢 飢 鼓 顛

七葉三行 長 中 六行 貪 食 七行 才 足 足 才 九行 飢 飢 鼓 顛

十二行 大 天 十四行 驗 念 十六行 汗 污 十七行 暇 敢

二十行 輕 幹

八葉一行 媪 媪 七行 當 賞 十二行 庭 美 十四行 情 隨 十五

行 麾 揮 伏 復 十七行 令 今

九葉一行 蜜 密 四行 牢 勞 七行 情 清 十四行 映 暉 十七行

鷓 鷓 十八行 閱 閱

送梁子熙聯句

大榮大辱能生死人 才叔 二物不並以撓厥真 美子 之子病悶腸如車

輪 才叔 勞憂到母餓寒著身 美子 世俗鹵莽輒置莫親 才叔 文殺光艷伏

不得伸 美子 凄吟哀號酸入四鄰 才叔 夜計破午若燕若秦 美子 腹憤軋

軋胸奇陳陳 才叔 淮國晚嶺吳渠春津 美子 去謝夙蘊歸逢故辛 美子 雌

火在丑刮鑿遯屯 才叔 駕風鞭霆以脫凡鱗 美子

山谷跋云景祐元年仲春子美于蜀綾紙上楷寫字極端勁可

愛叔才蓋才翁舊字此篇不見于家集

右聯句一首並跋義門從山谷集錄補餓寒原作寒餓光艷

原作光燄腹憤原作腸憤鞭霆原作鞭鱗均依宋槧豫章黃先生集校改

蘇學士文集卷第六

一葉十一行 闕殿 十二行 觚孤

三葉七行 刑型 八行 算等

四葉七行 挪邪 九行 寔莫 十一行 塘堂 十二行 古今 今古

五葉六行 綏纒 七行 電殿 九行 尊爭 十七行 陳原作慶何云疑作陳

六葉二行 去去 去口

七葉二行 貶調 三行 寬慰 四行 袞原作真何依范集附錄改 七行 來原作東何依范

集附錄改 十二行 相向 十六行 界事 十八行 亭當

八葉六行 駛駛 七行 帷覽

蘇學士文集卷第七

一葉十行 刮括

二葉五行 寔莫 七行 鑑鏡

三葉二行 唐塘 四行 後浚 十一行 燒曉

四葉十二行 蕭蕭 十三行 無原本缺三字

五葉三行 烹魚 十四行 淮懷 十五行 晴陰陰晴

七葉十行 棲栖 十四行 世色何又云後村詩話作色 十七行 諳諳

八葉二行 去字下何云吳郡志作住

蘇學士文集卷第八

一葉二行 首字下有次韻二字 三行 角閣 十一行 眇盼 盼盼

十三行 弄盡箴任 十五行 挪邪 十九行 日自

二葉一行 雨中聞鶯何云歐公嘗與聖俞泥滑滑及自作畫眉鳥詩

俱書之殆此篇耳 九行 甚盛 十二行 居狼 十九行 蛇虺

二十行 如入

三葉四行 空運 八行 翟敵

四葉三行 是吳郡志 六行 微陰

五葉十一行 見是 十四行 山上

六葉五行 概概 七行 罹離

七葉一行 寞莫 分憤 流風 迴行從吳郡志改迴 則志作荆 去志作鎮 清十四行 明

八葉十七行 引飲 十九行 光平

獨酌出晁補之所記乃其真蹟

一酌澆腸俗慮奔鷄微鷓大豈堪論焚靈當日能知此肯入滄

江作旅魂

蘇學士文集卷第十一 原作第九

一葉五行 刀刃 殭強 七行 焉哉 八行 行無狀行無狀疑有 十

六行 於以 十七行 憂幽

二葉六行 小善善小 二十行 意慈

三葉四行 璧璧 八行 殞命捐軀捐命 九行 掇輟 之以此書之以本稿後者之

作以 十四行 蓋益 十九行 頃輕

四葉一行 概概 二行 川州 五行 貳二据范集附錄改 八行 于子 口守于疑

范集附錄作 局于一州 九行 制置 十五行 而又從附錄 十九行 寇食

五葉六行 俟使從附錄 七行 返反 九行 虜口 十三行 情隨 十五行

允先 十七行 幸甚下又重幸甚二字 練護護練

六葉十行 藝文文藝 十一行 膽膽 闔下似脫門字 十八行 衷下

有焉字某下無為字

七葉三行 蓋亦 尺一尺 詳羣 十七行 時雖可欺時雖欺之 十八

行 丈又

八葉十行 忠下有臣字 十四行 反失 十五行 辭詞下同 十九行 董蕭

十葉一行 問問 七行 山三 八行 傷體 九行 奴口 十四行 翹

翹翹 十五行 幹體 十七行 次路

十一葉十七行 讎讎

十二葉四行 孳 九行 翟 十九行 構

十三葉四行 窮鞫 鞫窮

十四葉五行 時下有惟字

蘇學士文集卷第十二 原作第十

一葉四行 開 見 京下有師字 六行 趣尙 趨尙 十二行 嫌疑 疑嫌

十三行 粹 粹 十五行 鈎蹟 蹟言 存 在

二葉七行 栖栖 棲棲 八行 笑我 譏笑 十九行 適下有故字 二

十行 宦 宦

三葉四行 莫 不 七行 于下有未字 九行 子華詩 子注 十三行

來 未

四葉五行 君 聖 十五行 不敢 敢不

五葉二行 來 老 三行 祖 租 五行 得下無以字 十行 止 止 十三行

天生 十六行 閱 閱 十八行 實 實 十九行 儼 儼 二十行 又 又 久

六葉一行 語下有於字 六行 藩 藩 八行 光下有明字 十行 下

下有其字 十四行 美 矣 十七行 欲予 予欲

七葉二行 聲 身 七行 滑 滑 十五行 上 止

八葉二行 此 爲 十二行 某 其 十七行 悻 悻 二十行 主 丈 文

九葉二行 志 忠 十四行 次下有伏毒不敢開口但日日窺伺閣下

之失將以快意十九字 十五行 帥 帥 師

十葉五行 始 旣 八行 効 効 十八行 如下有於字 附錄集

十一葉一行 實 甚 五行 疑上有人字天上有又字 十行 甚 其

利下有甚字 十五行 齋 齋 十七行 諮目二字無 下同

十二葉二行 于 十 三行 勾 內 十五行 軍 經

十三葉九行 閑 閑 十三行 在 在 任 十七行 級 給

十四葉十八行 閑 閑 偶 偶 二十行 省 者

十五葉十六行 國朝 相國 十七行 云 去

十七葉五行 庶幾隨變制宜 庶知幾變隨時制宜 九行 第十二

蘇學士文集卷第十三 原作第十一

一葉十五行 無詣字團下有函字

二葉一行 臺諫 諫臺 十二行 追 追 十七行 閱 閱 買 買 十九行

無景佑五年側注宋史作康定中

三葉四行 夷 狄 六行 告 見 十七行 初 和 十八行 効 効 十九行

四葉五行 耶 也 十二行 春 夏 十六行 正 直 効 効 十八行

五葉一行 聽 聽 三行 謹 今 十八行 疏下無小注 二十行 臣上

六葉一行 慎 能 七行 謀 謀 十九行 疏下無小注 二十行 臣上

有某月日草茅臣冒死謹拜疏於皇帝闕下十六字

七葉二行 教 政 四行 聽 意 五行 被 受 八行 連 至

八葉一行 減 咸 八行 意 地 九行 世 君 十二行 羣下有有字

十六行 禮 敬

九葉一行 拱 恭 五行 也下有時年二十一詣登聞獻此疏小注

七行 寇下有暴字 十行 早 卑 二十行 而已 已而

十葉九行 効 效 十七行 文 篆 之 篆 十九行 矩下有增減二字

十一葉六行 族 宅 八行 神 名

十二葉一行 時 是 三行 軍 車 九行 疏下無小注 十行 臣上有

某月日臣冒萬死拜疏皇帝闕下十三字 十三行 著 署 十

八行 管 營 十九行 巾 中

十三葉九行 應下有極字 十二行 焉 也

十四葉一行 卒 是 三行 弩 弓 十三行 懇 悃 十五行 越下有時

年二十二小注

十五葉十九行 況 惟

十六葉一行 之下無大字 馬 焉 七行 唐至 堂在 十三行 本非

墮 墮 本非 值 致 十五行 化 風 風 化

十一 一 涵 芬 樓

十七葉二行 氣風 十六行 誠試 十九行 二

蘇學士文集卷第十四 原作第十二

一葉十四行 濱瀨

三葉五行 歛飲 十一行 擲揄 神觀 十六行 本太

四葉一行 敢豈 四行 肅獨 蕭統 十九行 淺深 深淺

抄本薦王景仁啓下接哀穆先生文祭舅氏文祭滕子京文共

三首

五葉二行 伏望下有尊號二字十九行同 十一行 夫 矢

六葉五行 當 蠶 六行 榮下有中謝二字 十二行 無必 必無 十

三行 効 效 十四行 殘 賤 二十行 塵 陳

七葉三行 俯 甫 煩瀆下有中謝二字 九行 身 休 十行 伏望下有

尊號二字 十四行 干 於 十五行 不甯下有中謝二字 十

六行 歷 履 二十行 誚 笑

八葉五行 伏望下有尊號二字 十二行 本下有中謝二字 十七

行 惟下有尊號二字 十八行 全 令 縷 蟻 十九行 冀 俯

九葉二行 願 願 扞 行 尤 由 請下有中謝二字 十三行 音 旨 十四

行 瀆下有中謝二字 二十行 効 效

十葉一行 知下疑有脫字 自 思 八行 帑 幣 十三行 愛而 愛之

十六行 望下有尊號二字 二十行 効 效

十一葉一行 敢下有有字 四行 十四 十二

蘇學士文集卷第十五 原作第十三

一葉六行 泮 判 十三行 平字舊校云旁注

二葉九行 橐 囊 十行 物 助 十三行 圓 智 智 圓 十四行 事 章

三葉五行 久下無之字 十五行 絕 捷 十九行 求 永

四葉二行 永 遠 三行 慝 慝 六行 焉 矣 十二行 移 隳

五葉二行 函 原作合依 十六 六十 四行 祐 右承祐出于教坊不當載 十二 一 涵 芬 樓

十一行 人 情入字從吳郡 寓 遇 十五行 能下有見字 從志 增 十六

行 自目 十九行 雲霞 霞雲

七葉四行 曝 鳴莊子曝然 而笑一作响 六行 一三 八行 耳下有慶歷七年十一

月五日記十字 十八行 正止

八葉三行 新 斯 四行 基 根 十二行 曹 曾 十六行 祿仕 仕祿

九葉五行 棚 棚 八行 幹 幹

十葉四行 堙 埋 六行 立 歷 八行 惰 墮 九行 泉下無之字 十

二行 固 故 十七行 完 丹 猥 茂 黠 猥茂黠

十一葉二行 焉 安 四行 賤 職 八行 戾 沒 十行 無也字 疑尙有脫文

十四行 採 采

十二葉一行 特 振 時 震 三行 卒 率 義 意 五行 遇事 遇者 九行

也 于 矣 下有康定元年十一月十七日序十一字 十四行 疥

痛 二十行 與 於

十三葉四行 俗 偽 七行 史 叟 狼 浪 十一行 此 皆 十四行 堯

下有之字 十七行 寂 寥 寥 寂 十八行 謂 爲

十四葉七行 孽 妖 妖 孽 十三行 灰 原作炭後漢書注中訛作炭故文家仍之炭豈能動也 十四

行 于 其 仁 子 其 仁 十九行 象 象 象

十五葉五行 名 也 名 焉 六行 孽 孽 七行 陽 隕 十二行 息 耶 息

也 十三行 在 下 十七行 天 而

十六葉一行 焉 矣 四行 而 專 不 專 九行 孝 行 十一行 呵 詞

十八行 洺 澤 十九行 於 與

十七葉一行 帛 下有粟字謂下無衆字 九行 於 薄 十行 然 能

十一行 牽 掌 効 數 十六行 後 前 前後

十八葉一行 一 亦 五行 唐 塘 十行 五 三

蘇學士文集卷第九 原作十四 一葉十八行 較 校

二葉三行 羣郡 十四行 叙緒 十五行 既上有亦字 十六行 觀

備在任 十八行 丁下 二十行 庾 庾扇 倉

三葉六行 困 固 七行 可下有以字 十一行 痾 痾 痾 十五行 碩果

之 之於果 二十行 閑 閑 十五行 人 八 二十行 銜 延

四葉四行 不犯 無犯 喪下旁注平字 十五行 地 口

五葉十五行 命 民 十七行 汨 淚 十九行 不 迨 過 十二行 呼 吁

六葉三行 三四 在 任 五行 病 痛 六行 寢下無失字 三行 君 若 五行 二

七葉一行 頓下有失字 二行 十六 矣 三月十六也 舊校云上云七日而逝自十三年至 十九行 自下

十六 矣 十六 纒 四日耳 恐宜從鈔本但尙銜脫一年字

有將字 八葉四行 在 任 九行 數百 兵百 十二行 轉 騎 幕 漢 十三行 帥

師 貳 二 十七行 建 進 十九行 束 東 僥 微 貫 殊 貫 殊

九葉五行 効 效 八行 書下有五字 在 任 十九行 郎 郎 部

十葉五行 耀 耀 會 委 八行 於下有平字 十一行 中 申 十五行

記 託 十九行 頽 閒

十一葉二行 史 吏 三行 聞道 道 辟 敗 賤 四行 著 於

十二葉五行 邑 邑 偈 偈 六行 寘 繫 七行 比 乃 十一行 誼 義

十二行 偶 遇 十六行 西 函 二十行 何云叙鄭所自出既曰

微子又曰桓公爲所未喻疑前一行自其先至出焉爲宋仲達

志錯簡 十三葉一行 因 土 因 王 二行 無 逃 患 二 字 三行 劔 斂 七行 官

氏 官 文 八行 姜 姜 九行 迫 賤 十一行 惠 某 十七行 鍾

於 河 鍾 河 於 十九行 捷 健

十四葉一行 殺下旁注去字 五行 相下旁注去字 八行 嘗 常

九行 佳 其 頌 公 十行 執 執 十四行 効 效 十八行 隱 垣 禽

讓 公 下 有 公 字 二十行 濫 隘

十五葉二行 明道二年九月日 明年二月九日 十三行 雄弘 十八

行名民

十六葉十三行 賁 資 十七行 酒 次

蘇學士文集卷第十 原作十五

一葉三行 繼室 何云此二字誤用 六行 公下有公字 十一行 侈 後

二葉七行 效 效 十三行 校下有理曰絳太子中允曰繹曰維曰縝

太常寺太祝曰緯二十字 二十行 實 石

三葉六行 吁 可 十八行 無 復

四葉四行 冤 魂 六行 祐 祐 禁 某 八行 笑 矣 十一行 特改 特授

十六行 羣 郡 二十行 効 效

五葉二行 唐 塘 五行 中下有爲字 十三行 部 郡 十四行 喝下

無音調二字小注 十五行 在 任

六葉三行 息 恩 四行 丞下有相字 十六行 間關 門 關

七葉四行 熟知 十一行 而絕 之 絕 十四行 惟收 惟受 孤下有者

字 十五行 艱急 急 難 二十行 曾祖某下有新安人三字

八葉九行 亨 昌 十一行 後 從 大理評事程君墓誌銘下抄本接韓

公行狀王公行狀二首 十四行 敢 取 卜 以 卜 於

九葉二行 闌 闌 十五行 賁 益 資 靈 十五行 溫 溫

十葉二行 楮 楮 抄本第十卷終廣陵郡太君墓誌銘 六行 西 北

九行 熟習評論 孰 評論 十行 介 喻 十三行 法 理 十五行 者

邪 十八行 以文干 以文章

十一葉六行 者下有夜半二字 吟 誦 誦 吟 七行 曠 曠 十行 刻

下有貨字 十二行 噫 嘻 十六行 赴下有舉字

十二葉九行 閱 閱 十行 絳 牽 十三行 起句上有維慶歷七年丁

亥二月丙午朔二日丁未十六字 十七行 亡 已 十八行 棺 斂

斂 棺 二十行 無蘇學士文集卷第十五行

蘇學士文集卷第十六

此衍舊本止十五卷也

一葉八行 眞

十行 絲

十一行

朝

十五行

處下有焉字

二葉二行 送

四行 祠

八行 哀

取

十八行 名

明

三葉三行 封下有府字

十行 璋

十七行

文穆

公知

十九行

大

四葉三行 有脫字

四行

有罰

有法

十六行

祠

肥

十九行

澁

徒抄本作

五葉五行 茂

七行 嘉

加

八行

二下有美字

十九行

澁

徒抄本作

澁當是涉字

六葉三行 謂下無嘶字

四行

之上無囉字

藩

籍

八行

効

十四行 臣

城

十五行

格

俗

十六行

眞

眞

二十行

郡字

公先

公前

十四行

水上有任字

十五

行續

宗旦

宗且

八葉三行 充

九

十七行

宗旦

宗且

九葉六行 而祀之

祀之而

十一行

重輕

輕重

十二行

關

問

十三行

面

子

子

須

十四行

慕下有向字

十九行

倍

俗

十一葉二行 倖

倖

倖

四行

無上使字

十行

謂有

謂之

十一行

十二葉十六行 撫

撫

撫

撫

撫

撫

撫

撫

撫

十三葉五行 共

皆

十三行

蘇學士文集卷第十六

一行

衍

衍

衍

衍

蘇子美集十五卷歐陽文忠公爲之首序子美在寶元慶曆間有大名其文章瑰奇豪邁自成一家不幸淪落早世故生平所著纔止于此而近時亦少見之元之因俾鏤板于三衢又得尙書汪公聖錫所藏豫章先生詩爲子美作也惜其未大傳并附之左方若祭文墓志已見于文忠集中此不復載乾道辛卯六月己巳吳興施元之書

困學紀聞載子美作大相國寺藏太宗御書飛白寶殿頌吳郡志

四十九卷有邂逅劉公尤于平望走筆敘意五言古詩一首 此
頌周益公有跋

按歐公序出于公之所集錄者十五卷今必紛更舊次爲十六卷
是亦好妄而已徐節孝愛愛歌序云子美有詩今亦不見集中晁
氏讀書記載李文公集前有蘇舜欽序云唐之文章稱韓柳翱文
雖不逮韓而理過于柳今頌與此序無之蓋亦非完書云康熙已

卯夏六月焯識

已上二則在目錄後

康熙庚寅良月之望借叢書堂鈔本校過焯記

卷九後

於此見子美之不負所知范公之取人爲不苟同世徒以一觴一
詠稱之者淺也然如選擇宗子一事當范公作參政恐尙未可行
之會且此宗社非常大計亦當白之宰相同詞以請豈參政獨爲
建白始試以空言博天下虛譽哉

卷十後

戊寅九月初五日閱第九卷至末卷畢子美之才高於歐公得年

不永未見其止爾家貧不能購宋元文集此集非徐氏重刊何由
寓目此事實默受商邱中丞之賜矣焯識

周益公稱衢本滄浪集蓋嘗刻于三衢南渡後本也計世當有之
顧脩遠云子美有答歐陽公書載梁溪漫志中集不載歐公詩集
中有扶溝知縣周職方錄示白鶴宮蘇才翁子美贈黃道士詩集
不載

司馬溫公傳家
集亦載此詩

見蠶尾集載渠家有宋槧滄浪集正衢本也

商巨與新城交最深而不知假以是正蓋近人讀書但備數而不
求善本雖倦圃竹垞猶不免況北方之學者乎又記

已上在
卷末

